

سودیم سینی

عزیز علی

اشرف عظیمی

۷.

پیراق اوزه تا قلم چیکیب مین
یوز درد بیلن آلم چیکیب مین
ایستاب بوجهانده شادمانلیک
دنیا نه بیلور نه غم چیکیب مین

سودیم سینی

(شعرلر توپلمسی)

اشرف «عظیمی»

عنوان فرستی

شماره	عنوان	پینتر
۱-	کیریش	الف
۲-	حمد	۱
۳-	نعت	۲
۴-	انتظار	۳
۵-	نوبهاریم کیلیدی	۴
۶-	یاد قیلدیم	۵
۷-	کورمادسم	۶
۸-	حسره تکلون	۷
۹-	گوزرینک	۸
۱۰-	یورک دروازه سی	۹
۱۱-	خیالینک	۱۰
۱۲-	قیماش یوزلیک	۱۱
۱۳-	گیگی بهار	۱۲
۱۴-	کاکلینک	۱۳
۱۵-	بهاریامی	۱۴

کتاب ییگی لری:

- ✿ عنوان :- سیودیم سینی (شعر توپلمی)
- ✿ شاعر :- الحاج اشرف «عظیمی»
- ✿ چاپ جای :- دوستان مطبعه سی مزار شریف
- ✿ چاپ ییلی :- ۱۳۸۹ هـ ش ۲۰۱۱ م
- ✿ تیراژ :- ۱۰۰۰ نسخه
- ✿ صفحه بیزارتوچی و کمپیوترچی :- محمد شهیر عظیمی
- ✿ Email : Shafir_azimi@yahoo.com

۳۵ - ۳۳	پیریم	۳۱
۳۶	رگمین کوز	۳۲
۳۷	سوزنک	۳۳
۳۸	قیزیل قدح	۳۴
۳۹	ساغیب	۳۵
۴۰	سریخ رخسار	۳۶
۴۱	تنگ یی	۳۷
۴۲	کیل بهاریم	۳۸
۴۳	حسن قویاشی	۳۹
۴۴	عبدیلغان	۴۰
۴۵	مقصود کوهبری	۴۱
۴۶	اچیلکن گل	۴۲
۴۷	تنگ اگلوچ	۴۳
۴۸	تراز	۴۴
۴۹	نیدور؟	۴۵

۱۶	تنگ یی	۱۶
۱۷	کوزلرینک	۱۷
۱۸	نخبر مشکان	۱۸
۱۹	بهاریم	۱۹
۲۰	قیق قاش	۲۰
۲۱	نهر رنست	۲۱
۲۲	ملک سیما	۲۲
۲۳	قلم قاش	۲۳
۲۴	فرقت رنجوری	۲۴
۲۵	کلمون بهار	۲۵
۲۶	نوروز	۲۶
۲۷	بلا کونخل	۲۷
۲۸	پیر ایلیک	۲۸
۲۹	شلا کوزینک	۲۹
۳۰	پیریم	۳۰

۶۸-۶۷	۶۱
۶۱	غم قوچانی	۶۲
۷۰	شکرستان	۶۳
۷۱	سین سیز	۶۴
۷۲	سرسان قویون	۶۵
۷۳-۷۴	ویران کونخل	۶۶
۷۵	چکینیز حسرت	۶۷
۷۶	غم آشیان	۶۸
۷۷	ارمانی نور	۶۹
۷۸	پینو اول	۷۰
۷۱	طراوت فصلی	۷۱
۸۰	تارکاکل	۷۲
۸۱	غم شامی	۷۳
۸۲	حسرتی دم	۷۴
۸۳	خوش خبر	۷۵

۵۰	کوزیکسین	۴۶
۵۱	شمع جمال	۴۷
۵۲	تیریک لیک	۴۸
۵۳	عشق انجمنی	۴۹
۵۴	کوزکومنه	۵۰
۵۵	بند آشیان	۵۱
۵۶	دل کوزکوسی	۵۲
۵۷	یا شیرون درد	۵۳
۵۸	الفصلی نوا	۵۴
۵۹	حیر ایلک منزل	۵۵
۶۰	ادشکن	۵۶
۶۱	جرس	۵۷
۶۲	یغوز لیکیم	۵۸
۶۳-۶۴	تصویروگی تاثیر	۵۹
۶۵-۶۶	قویماق	۶۰

۱۰۱.....	بیام	۹۱
۱۰۲.....	ایست	۹۲
۱۰۳-۱۰۴.....	قولوغ بهار	۹۳
۱۰۵.....	حسن بی مثال	۹۴
۱۰۶.....	حقیقی عشق	۹۵
۱۰۷.....	آغوی رزق	۹۶
۱۰۸.....	بغری تاشلی	۹۷
۱۰۹.....	چیر ایلیک شیری	۹۸
۱۱۰.....	بهار کیلیش	۹۹
۱۱۱-۱۱۲.....	محبت کنجی	۱۰۰
۱۱۳.....	کل وصلی	۱۰۱
۱۱۴-۱۱۵.....	اوکوس نواسی	۱۰۲
۱۱۶.....	کد اول	۱۰۳
۱۱۷.....	تارک تار دنیا	۱۰۴
۱۱.....	قیغ بورانی	۱۰۵

۸۴.....	آز ترکیم	۷۶
۸۵-۸۶.....	خاطره	۷۷
۸۷-۸۸.....	دردی کونخل	۷۸
۸۹.....	طرحه	۷۹
۹۰.....	منگوجیات	۸۰
۹۱.....	سودیم سینی	۸۱
۹۲.....	مشاق دیدار	۸۲
۹۳.....	اسروک سلام	۸۳
۹۴.....	کلکندن جدا	۸۴
۹۵.....	خیال بوستانی	۸۵
۹۶.....	یورک دردی	۸۶
۹۷.....	شگوفه موجی	۸۷
۹۸.....	ایکی قراکبوتر	۸۸
۹۹.....	چارلیدی باغله	۸۹
۱۰۰.....	شلاکوز لرینک	۹۰

مین گله کیمدن قیلای یاریم کناره ایلاسه
 لطفی نی میندن بولک ییراوز گه یاره ایلاسه
 تاثیریک دیرآه تیل اوزیک تیلیم مین هم تیریک
 خنجر بیداد مینی گر یاره یاره ایلاسه

کیریش

تیل، توشینیش و توشیتیریش وسیله سی بولیب پیل
 لربویده ایشلتیلگن، زمان کیچیشی وانسانلر آنگی اوسیشی
 بیلن تیل توغریسیده اویلاولاری هم اوز گاریب و بو
 توشونچه نی معنی جهتدن کینگایتیریب ایشله تیله باشله گن
 بو گونگه قره گنده تیل بیرملت نینگ بارلیگی، بایلیگی،
 اقتصادی، اجتماعی و سیاسی سیماسی نینگ کورساتوچی
 بویوک بیر کوز گو دیر.

بیرملت نی تیل سیزتصور قیلش ممکن ایماس. بیر
 دانشلی کیشی آیتیشیچه بیرملت نی اولدیرماقچی بولسنگ
 بیرینچیدن اوملت تیلی نی اولدیر، درحقیقت تیل سیزملت
 بیر اولوک ملتدیر.

هرملت انسانلری حیاتی بویده شادلیک، قیغو، درد و
 حسرت باتورلیک جسارت، اوروش و تینچلیک و شوکبی
 تورلی حادثه لرنی باشدن کیچره دی و تورلی ساحه لرده

۱۰۶-	اوتلی یاندورلر.....	۱۱۹
۱۰۷-	مژگان نی.....	۱۲۰-۱۲۱
۱۰۸-	دیدارگی.....	۱۲۲-۱۲۳
۱۰۹-	کل پشوایکده.....	۱۲۴
۱۱۰-	اولوغ بابام نوایی.....	۱۲۵-۱۲۷

ایجاد قیله دی و قیمت بها اثر لریره ته دیلر. بو حادثه لرفقط
تیل بیلن، یازیش بیلن سقلانیب قاله دی و نسل دن نسل
گه اوتیب صیقل لشیب ویو کسک چوقیلرگه قراب باره
دی، تیل بولما گنده بیر ملت اوتمیشیدن خبر سیز بوله دی،
اوتمیش بولما گنده کیله جک اساس سیز، پایدیوار سیز
بولیب، توزیلیش ویو کسالش امکاندن اوزاق کورینه دی.
بو گونگی افغانستان آتیده اورالیب قالگن مساحتده
یشیدینگن اوزیک لر نینگ حیاتی، تیلی، فرهنگی، بایلیگی
وبارلیگی هرات تیموری لردوره سی سقوطیدن سونگ،
ایزیلگن، ینچیلگن و کیین قالدیریلگن.

اوشه دوردن بو گونگچه بولگن بوش لبقده، بوملتگه
تورلی ستملرنی روا کورگنلر هر بیر ستم چیدملی، لیکن
فرهنگ و تیل اولدیریش ستمی چیداب بولما یدینگن ستملردن
بیریدیر زمان کورساتدی کیم شونچه ستملر بیلن هم بوتیل
پایدیواری مستحکم بولگن لیگی سببلی الماگن اوحالده
کیم بوتیل ده اوقیش، یازیش، مکتب و مدرسه

(ب)

بولماگن شونده هم بوتیل خاندانلرده تیریک قالگن اولاد
دن اولادگه اوتیب دوام ایتگن و سونماگن.
۱۳۵۷- ییل ثور آیی نینگ یشینچیسیدن سونگ بوتیل
بیرتوردکی و تکانه بیلن او یغانندی، جانلندی وینه
قد کوتاردی، اینقسه (۱۳۶۰-۱۳۷۰) ییل لر آره لیغیده
کوپ زمینلر وجودگه کیلدی، شاعرلر، یازوچیلر بوتیل ده
ایجاد قیله باشله دیلر، جریده لر، مجله لر، رادیو تلوویزیونده
کورساتو نشرات، مکتبلرده اوقیش و معارف ثمانیدن بو
تیل ده درسلیک لرتیارلنیشی و بو آخیر لرده اوچینچی
رسمی تیل صفتیده تسجیل بولیشی بوتیل قیته یو کسلیشیگه
استوار و آسیغلی آدیم سنه له دی.

مین ۱۳۵۰- ییل دن ایجادگه باشلگن بولسام هم
کوپراق زمینه نی شو دوردن تاپدیم، شودورنی او یغانیش
دوری دیب حسابلا یمن البته بومینی فکریمچه.
بیر حقیقت نی آیتماقچی من که مین بیر مسلکی شاعر،
تیل شناس و ادبیات شناس ایماس من، نه عروض علمیده

(ج)

تخصصم بار ونه قافیه ده لیکن شوتیل فرزندى صفتیده شو
تیل ده یخشی بولسون یا یامان ، توغرى بولسون یا ناتوغرى
وخطالى ایجاد قیلشگه ، اوزتویغوو اوی لریمنی اظهار
قیلیشگه حقلی من. البته بو که ایجاد توغرى می یا ناتوغرى
کینراق خلق اوز قضاوتی نی قیله دی.

شونچه بیله من کیم بوتیل قیته تیکلانیشی اوچون جوده
کوپ یاردمگه محتاج دیر. بیز شوتیل فرزندى بولسک اگر
هر نرسه ایجاد قیلماقچی میز کیرک کیم بیرینچیدن اوز آنه
تیلیمیزده ایجاد قیلسک بو بیر مصراع هم اگر بولسه بیر
یاردم دیب حسابلاimen ، شوباعث دن بیرینچی قدملرنی
کوتار گندن کیین ناچیز ایجادیم خلقیمگه منظور بولگنی
سببلی بو یولده ایکینچی قدم نی دذیل قویدیم و استه-
سیکین بیر شوقی و آما تور شاعر صفتیده دوام یتیرماقده من.
مین سیزه که مینینگ ایجادیم ممکن ، تخنیکى ، معنایى و
باشقه خطالردن خالی بولماسه اما هر حالده بیر تویغو، بیر پیام

نی چله بولسه هم شوتیل ده یتکره دی، منه شومینگه یترلی.

أخیرده آیتماقچی من کیم بو توپلم گه کیریتیلگن
شعرلر بیرینچی آیتیلگن شعرلریم نینگ قالگن قسملریدن
باشلانیب ادامه تاپه دی چونکه خواهلاimen مین اوزیم
دیک بولسام ، ساخته شخصیت ویالغان شهرت نی اصلا
ایستامایمن.

حرمت بیلن

حاجی اشرف «عظیمی»

شبرغان

d

حمد

ای خدای پاک وی رب العظیم
 بنده دیرمین قادریکتا اوزینگ
 سین یراتینگ آسمان بیرلن زمین
 سینگه معلوم یاشیرون سرجهان
 واقف هریخشیدیرسین هم یامان
 خواهله سنگ هرذره آفتاب اولغوسی
 لطف بیرله کیمگه باقسنگ بیرنظر
 مین گنهکاربنده دیرمین یا جلیل
 سین کیچیرگیل بنده نی ذاتینگ غفور
 بول دعایمدیر همیشه مستدام
 ایکه رحمن سین اوزینگ همده رحیم
 عالم الغیب وعلیم دانا اوزینگ
 مهربان پروردگار عالمین
 هر نه پنهان سینگه معلومدیر عیان
 هر نه مقدور آیلانگ بولگای همان
 آفتاب بیرذره بیتاب اولغوسی
 هر سعادت اول تامان کوکسین آچر
 عاصی وشرمنده دیرمین یا جلیل
 نور ایمان دن دلیمگه یولله نور -
 در گهینگدن مین تیلرمن صبح و شام

قیلمه سنگ میلی مینگه دولت عطا

آیلامه دلنی محبتدن جدا.

1371/12/04

شیرغان

نعت

حضرنا سلم

آشیدیر حددن آزاریم محمد یار رسول الله
 ایشیتگیل ناله زاریم محمد یار رسول الله
 قولیمدن توتماسنگ بولکون حبیب حق کرم بیرله
 منینگ یوقدور مددگاریم محمد یار رسول الله
 کونگل یاذوقلی عاصی دیر تیلرسیندن شفاعتنی
 تون و کون قلب بیماریم محمد یا رسول الله
 مینی یوز قاره نیلمین خلیق ایچره محشرده
 شفاعت بولماسه یاریم محمد یار رسول الله
 جمالینگ یاغدوسی بیرله یاروتگیل شافع محشر
 جهان تیره و تاریم محمد یا رسول الله
 جهان آشوب ایله تولکن آغیردیر اُمتینگ حالی
 ترخم ایله سرداریم محمد یا رسول الله
 خریدارسیز متاعدیرمین ، شفاعتدن امیدیم بار
 ایروور لطفینگ خریداریم محمد یار رسول الله.

1371/06/13

شیرخان

انتظار
اصل سینی - مقصود

تیرمولیبان کوزلریم یولینگده قالگن انتظار
 موج یادینگ تولقونوب دل بحری دایم بیقرار
 ای بهاریم جلوه فصل بهارنی بیلما دیم
 اوت توشارجان وتنیمگه کیسه سین سیزنوبهار
 فرقتینگدین ای قیق قاش قامتیم بولدی کمان
 ساغینیب چولپان کوزینگنی کوزلریم گوهرنثار
 بیرکیلورسن مودیبان یول لرده قالگن کوزلریم
 کیلماشنگ اولگوم گمان سیزیوق ایلمده اختیار
 کورماین کیتسام جهاندین ای سیویملی یار سینی
 حسرت دیداریورک ایچره توگون بولگن قالار
 آیریلیق دردی بیلن ایزدی «عظیمی» نی فلک
 آیلسون کیمدین گله کیلدی شوینگلیغ روزگار.

1350/11/04

اندخوی

کورمدیم

رمل سنی مخزوم

ساجلرینگ دیک ای صنم گلشن ده سنبل کورمدیم
 یوزلرینگه اوخسگن بستان ده بیر گل کورمدیم
 تلپینیبان هرتمان سوزدیم فراقینگ بحریده
 چیکی یوق دینگیزایکن فرقت ده ساحل کورمدیم
 مین اوشل پروانه جانیم بیرگالی نور آختریب
 ایلانیب یوردیم یوزینگدیک شمع محفل کورمدیم
 عشق یولین تنلادیم و کیچدیم جهان نینگ باریدن
 طرفه یولی کیم آداغ و آنده منزل کورمدیم
 اوزگه لر قیلدی ترحم ایله گن افغانیمه
 آشنا رحمین اوزیم حالیمگه شامل کورمدیم
 آیه- آیه دردوغم داستانی قالدی نا تمام
 سرگذشت درد و غم ده ختم کامل کورمدیم
 خنجر مژگانیکه قربان اولن نی سانی یوق
 لیک "عظیمی" سین کبی بیرزارو بسمل کورمدیم.

1351/02/08

کابل

چهره گلگون

بیلماين کيلدی وسورماي کيتدی بیمارین کوریب
 اچیلیان کيتدی گل-گل سرغکن خارین کوریب
 صبر و طاقت لئیزبولیب قالدیم یوزیگه بیر باقیب
 عقل و هوشیم کيتدی باشدین طرز رفتارین کوریب
 گریونگیغ عشوه قیسه گلشن ایچره نازایلن
 غنچه لرسولغای چمن ده آل رخسارین کوریب
 بیر نظر قیسه خداییم آسمان دن بیر ساری
 حیرت ایتگای صنع دن توزگن ستمگارین کوریب
 پر-پرایتدی گل تیروچی بو گلستان گل لرین
 بیغله دی قان بلبل مسکین چمن زارین کوریب
 قسمت بد دور یاران لروصلیگه ایتگن محل
 هوش سیزبولدی "عظیمی" بی وفا یارین کوریب

1351/03/09

کابل

اصل سخن محزون گوزلرینگ

کوزلریم دن آلدی اویقو ای دل آرا کوزلرینگ
 هم عنان اختیاریم آلدی زیبا کوزلرینگ
 کو کسیمه چاک لرسالیب بغریمده گی داغلا یله
 اهل عالم ایچره آخر قیلدی رسوا کوزلرینگ
 نازایلن ای نازنین گلشن ده خوش قیلدینگ خرام
 باش نی ایگدی نرگس باغ کوردی شهلا کوزلرینگ
 صبر و طاقت سیز قیلیب باشیم دین آلدی عقل وهوش
 سالدی یلغوز باشیمه یوز - مینگچه سودا کوزلرینگ
 لاله و گل فصلیده چیقسنگ بیابان ساریگه
 قیلغوسی جیران بيله آهونی شیدا کوزلرینگ
 تشلدی تیرتمه گه محزون "عظیمی" نی او دم
 قیریلیب باقیش بیلن قیلگنده ایما کوزلرینگ.

1351/04/02

کابل

یورک دروازه سی اصل سخن

انتظارینگده عزیز عمریمنی مین قیلدیم تمام
 کیلمه دینگ بیر یول مینی کلبم ساری آیلب خرام
 بیردمی یادایتمه دینگ میندین گوزل یاریم ولیک
 خاطریمده سین ایرورسن کیچه - کوندوز صبح وشام
 تشله بان کیتدیم فراقینگ دن دیاریم دشت آرا
 بولدی عشقینگ یولیده برباد نشانیم کیتدی نام
 همدمیم پیماننه بولدی درد هجران ایلگیدن
 ایل ایچینده شهره بولدیم آلبان قولیمگه جام
 گروفا گه مایل اولسنگ آیله بان ترک جفا
 خسته کونگل درچه سی یولینگه آچیق دورمدم
 بول "عظیمی" خاک بولگندن کین بیر یوقله گیل
 کوزلریم یولینگه تیرمولگن تا یوم القیام.

1351/08/05

اندخوی

خیالینگ

اول منینگ نامهربانیم آیلسه ترک ستم
 خاطریمده قالمس هرگزدره چه رنج و آلم
 ترک ایتیب جوروجفانی آیله بان لطف و کرم
 گرمینگ کلبم ساری اول دلرباقویسه قدم
 نی دم اولغی شادلیکدن بیلسم یارب اودم
 مین خیالینگ بیرکیچه اوزیمگه مهمان ایلمس
 آیلنسیب پروانه دک تیگرنگده جَولان ایلمس
 مقدمینگه باش قویوب فریادوافغان ایلمس
 تاسینگه پروانه سان جانیم نی قربان ایلمس
 گرایاغینگ آستیده جان چیقسه جانانیم نی غم
 مین اول ده یلغوزاوزیم بیرخریدارینگ ایدم
 بیرپریشان حال و بیرآشفته بیمارینگ ایدم
 کوپ زمان لردن بیرى مُشتاق دیدارینگ ایدم
 تیلَبه مجنون دیک سنینگ رسوای بازارینگ ایدم
 مین سنگه بیگانه بولدیم اوزگه لراهل حرم

بومنینگ عشقیم سینی حُسنینگ نی مشهورآیلدی
 شهرت حُسنینگ سینی اوزینگه مغرورآیلدی
 روزگارجوروجفانی مینگه منظورآیلدی
 بومنینگ ناشادلیگیم عالم نی مسرورآیلدی
 فرقتینگدن قسمت اولدی خون دل منگه صنم
 تاکه حُسنینگ شهرتی بارکوپ ایروریارینگ سنینگ
 هرتمان ده دسته-دسته عاشق زارینگ سنینگ
 قنچه لردنیاده بولسه گرخریدارینگ سنینگ
 یوق "عظیمی" دک جهانده زاروبیمارینگ سنینگ
 کیم سنینگ یادینگ بیلان اولماققه ایچکن دُورقسَم.

1351/08/24

اندخوی



اولیٰ عجز

قویاش یوزلیک (۱)

اول قویاش یوزلیک باقیب حالیم خراب ایتیمیش منینگ
 جسم و جانیم کویدیریب بغریم کباب ایتیمیش منینگ
 محفل ایچره سیوگیلی دلدار شهلا کوزلری
 مونس پیمانه معتاد شراب ایتیمیش منینگ
 گر خیال عارضی بیرله هم آغوش اولسه دل
 بستریم وقت سحر غرق گلاب ایتیمیش منینگ
 مینگه یوز جور و جفا گرایسه پرواسی یوق
 اوز گه لر گه لطف لر ایلب عذاب ایتیمیش منینگ
 اورگیلی ایکی قراچولپان کوزینگ نی رمزیدن
 روز گاریمنی قرا ایلب عتاب ایتیمیش منینگ
 ای "عظیمی" مین نتای اول شوخ بدخو هجریدن
 شمع ینگلیغ تاسحر دیدم پُر آب ایتیمیش منینگ.

1351/11/17

اندخوی

(۱) مرحوم عبدالاحد سحر آوازیده اوقیلگن.

ینگى بهار اولیٰ عجز

ای گوزل مستانه یاریم کیل بهار کیلیدی ینه
 حد دین آشدی انتظاریم کیل بهار کیلیدی ینه
 جلوه ایلب آچدی نرگس کوزلری نی باغ آرا
 ای منینگ کوزی خماریم کیل بهار کیلیدی ینه
 آغزیمه کیلگن بوجانیم فرقتینگدین چیقمسین
 ناگهان زیبانگاریم کیل بهار کیلیدی ینه
 ذره ینگلیغ مضطرب من نیلاین هجران تونی
 بولمه گی سین سیز قراریم کیل بهار کیلیدی ینه
 سین نهادیمده نهان کوزیمده ظاهر صورتینگ
 ای نهان و آشکاریم کیل بهار کیلیدی ینه
 قامتی سرو روانیم ساچی سنبل دلبریم
 گلرخ گلگون غذاریم کیل بهار کیلیدی ینه
 تا "عظیمی" دیک اسیر زلف پیچان بولمیشیم
 تیره بولگن روز گاریم کیل بهار کیلیدی ینه.

1358

اندخوی

کا کلینگ

سرو گلشن گه اور لگن سُنبل تر کا کلینگ
 بویله تینگ توشگن بوینگه اول مُعنبر کا کلینگ
 قاره زلفینگ تاری نینگ یلغوز اسیری دل ایمس
 باش اداغیم نی اورب آلگن سراسر کا کلینگ
 مین ساری باققن زمان حُسینگه آیلب پرده لر
 تیره قیلگن روزگاریم ای ستمگر کا کلینگ
 پیچ وتابی بیرله تورگن حُسنی تابانینگ اوزه
 کیم ایرورمشک دین قویاش باشینه افسر کا کلینگ
 زلفیتگه اورسنگ تراق زینهار قیلگیل احتیاط
 نیگه کیم هرتاری دورجان گه برابر کا کلینگ
 تاپریشان بولدی آیشوخ هر طرف کو کسینگ اوزه
 قیلدی کونگلیم نی پریشان ای سمن بر کا کلینگ
 آيله دی خسته "عظیمی" نی ینه آشفته حال
 تاکه رخسارینگ اوتیغه سپیدی عنبر کا کلینگ.

1358

اندخوی

بهار ایامی

مُطربا مستانه چالگیل کیم بهار ایامی دُور
 باده توتگیل ساقی اذفع خستار ایامی دور
 مین بهار بیرلن کیلور من دیب قیلر دینگ وعده لر
 کیل بویسنگدین اورگیلی قول وقرار ایامی دور
 کینه لرنی تشلب ای شوخ قول توتیبان هر تمان
 مرغزار ایچره کیریب گشت و گذار ایامی دور
 گل تماشا سیگه چیقن نازنین لرنی کوریب
 دل ده بولمس بیر زمانی اختیار ایامی دور
 جلوه قیلگیل باغ آرا ای گل که نرگس کوزلری
 تیرمولوب یولینگده قالگن انتظار ایامی دور
 غم چیکن کونگلیمنی کیلگیل شاد آیلب بیر زمان
 نیگه کیم قیغونی دل لردین فرار ایامی دور
 اوشبو گلشن ده "عظیمی" بلبل شوریده گه
 قوتلو دور فصل بهار کیم وصل یار ایامی دور.

1358

اندخوی

تانگ یلی اکرمی

تانگ یلی گل نگهتین بپردی سینی یاد ایله دیم
 گل یوزینگ یادیم گه توشدی ناله بنیاد ایله دیم
 ای مرؤت سیزوفام قدرینی هرگز بیلمدینگ
 نقد عمریم نی وفانگ یولیده برباد ایله دیم
 بیلیمش گرچه وصالینگ گه یتالمس من ولی
 گاهی - گاهی خاطریم امید ایله شاد ایله دیم
 ای گوزل بوستان آرا خوش قامتینگ گه اوخشتیب
 بیر عمر من خدمت سرو ایله شمشاد ایله دیم
 تیره بولگن کهکشان لردود آهمدین مینینگ
 بسکه هجران تون لریده آه ایله داد ایله دیم
 مینگه قسمت دورغم عشقینگ تیریک لیکده نتای
 اوشبوقیغوله کونگل ملکی نی آباد ایله دیم
 قاره تون لرده "عظیمی" دیک وصالینگ دین جدا
 نی کبی چیکدیم نوا لرهمده فریاد ایله دیم.

1358

اندخوی

گوزلرینگ (۱) جز سوم

وقت سحرنازاویقودن آچسنگ فریبا کوزلرینگ
 عالم نی مدهوش ایله گئی اول ایکی زیبا کوزلرینگ
 ساغرده یوق میخانه ده چولپان کوزینگ کیفیت
 مستانه لرمی ترک ایتر کورگنده شهلا کوزلرینگ
 ایکی کوزوم دنیا سیده ایکی کوزینگ جا ایله گن
 باقم اگهره ریانه من کوزیم ده پیدا کوزلرینگ
 صبر و قراریم قالمگای آلدی قولیم دن اختیار
 مین ساری یوز ناز ایله بان قیلگنده ایما کوزلرینگ
 بیگانه خو دورسن ولی قانلی کونگل خرسند ایرور
 بیگ که هر بیر زخمی گه اول دن آشنا کوزلرینگ.

1359

کابل

خنجر مژگان

آلدی کونگلیم بیر پیری بول رازنی پنهان ایلامام
 کیتدی عقل و دل ینه پروای بیر جان ایلامام
 باشیمه یاغسه ملامت تاش لری شام و سحر
 ترک جان آیلر من امان ترک جانان ایلامام
 خنجر مژگان لری قتلیمغه بُران دور عجب
 جان بیلن دردین چیکر من آه و افغان ایلامام
 تامی سربولمسه گل دیک یوزین نظاره سی
 بارمزم طرف چمن میل گلستان ایلامام
 قامتین رعنائیگی جوش طروات وصفیده
 باشلیم رنگین ترانه ایمدی پایان ایلامام
 مین اوشل پروانه من دم اورمه ین جان بیر گوچی
 ناچیدم بلبل کبی دیدم نی گریان ایلامام
 کیلدی بیمارین قاشیغه بیر عمر دین سونگ دیدی
 بیلیمدیم دردینگ "عظیمی" شوپله درمان ایلامام.

بهاریم

عنبر افشان بولدی باغ و دشت و صحرا لاله زار
 لوبهاریم کیلمدینگ کیلدی ینه فصل بهار
 شیرایتیب چیقدی تماشاغه پری رخساره لر
 رشک جنت آبله دی حور لر فضای مرغزار
 بلبل شوریده وصف آیلر گل رخساره سین
 سروبالا شاخیده قُمـری نواسی زار-زار
 غنچه دوداغین اوپیپ اوتدی سحر باد صبا
 نوشدی بلبل کوزیدین یاش قطره-قطره هر کنار
 کویدی گردون بغریگه اوت لر توشیب شام و سحر
 بس یوباردیم اوتلیغ آهیم کوک ساریگه بی شمار
 سین سیزای آرام جان اصلا بهاریم یوق منینگ
 قیغوبیرله بیلیمزم کیچگی نه خیل لیل ونهار
 فرقتینگ بیماری دور من کوپ زمان لر دین بیری
 بیر کورارگه کوزلریم یولینگده قالگن انتظار.

مُطَرِبَاچَالغیل دوتارینگ ماه تابان اوینه سین
هرتمان گه نورسپاچیب مهردرخشان اوینه سین
أول قییق قاش نی قاقیب کوزنی قیلیب یوزنازایلین
محفله غوغاسالیب اول آفت جان اوینه سین
گل یوزی نینگ نوریدین محفل چراغان آیلبان
قُول آچیبان سیلکینیب رشک گلستان اوینه سین
پیچ و خَم لرایلبان گل کوکسیگه لرزان بیریب
خیمچه رعناکبی هر دمده لرزان اوینه سین
ایلنیشان چرخ اوروب ساچ ترقیب عطریں سییب
تیلبه ایلب برچه نی کاکل پریشان اوینه سین
قُمُری دلخسته نی حُسنیگه مَفَتون آیلبان
اورته گه قامت چیکیب سَر و خرامان اوینه سین
کوز آچیب تورگیل "عظیمی" کیم وصال آقشامیدور
قُول توتیبان تاسحرسین بیرله جانان اوینه سین.

1359

کابل

(۱) رشیده ژاله آوازیده اوقیلگن.

مُهر رخصت

۲۷
لاکه قویدینگ نازایلین سولگان لییم گه لب لرینگ
قَهته جان بیردی گوزل بی جان لییم گه لب لرینگ
کلمه سنگ ایردی اگر حال خرابیم نی سُوْرَب
لیگمسه ایردی اگر بی قان لییم گه لب لرینگ
بهر نفس قالگن ایدی جانیم چیقیب کیتماغیگه
بهر کوزیب بیردی حیات موزگان لییم گه لب لرینگ
آب حیوان دین منینگ قلبیم گه جان بیردی پنه
قطره - قطره تامغوزیب قُورگان لییم گه لب لرینگ
ایمدی جان چیقسه تنیمدین میلی ارمان قالمه دی
مُهر رخصت باسدی ای جانان لییم گه لب لرینگ.

1359

کابل

ملک سیما (۱)

عج سام

جمالینگ بیر کوریب بولدیم گوزل حُسینِگ گه مین شیدا
 سینینگ دیک باغده گل بیتمس بو عالم ده اوزینگ یکتا
 ایکی پیاله شراب ایردی نه ایردی بیلمه دیم کوزینگ
 کوریب مجنون و مست اولدیم ایکی اول نرگس شهلا
 یوزینگ نی گل گه او حشت سم ساچینگ نی سنبل تر گه
 نه گل مونداق ایرور خوشبونه سنبل مونچه لرزیلبا
 می و میخانه ده یوقدور سینینگ لعل لینگ کیفی
 لبینگ دوریتدین اور گیلین جهانده ساغرومینا
 خرام ایلب اگر گاهی رگلستان ساری گه بار سنگ
 آیاغینگ گه توشر شمشاد کوریب اول قامت رعنا
 ۱۱۱ ۱۱۱ ۱۱۱ ۱۱۱

سپهنگ عشقینگدین ای جانان تاپالمی دردیمه درمان
 بو گوردیم تیلبه دیک هریان بولیب مجنونینگ ای لیلی
 نه بیلگی سن فراق تون لاریده حالیم نه خیل کیچگی
 غمینگ دین پیغلم هر دم کوزیم یاشی بولیب دریا
 اگر ویرانه کلیم غه قدم قویسنگ محبت دین
 سپهگ قربان قیلای جانیم پری پیکر ملک سیما.

1359

کابل

(۱) رطبه زاله آوازیده اوقیلکن.



سرخ من احم

قلم قاش

هجران اوتیده کویگن اوزیگه صنم ایستر
 بیمار اوزین بیلماي غم اوستینه غم ایستر
 فرقتده مینی قویمه حالیم گه ترحم قیل
 ای آفت جان سیندین جان لطف و کرم ایستر
 عشرت بیله خرسند لیک بیر لحظه، اوتر قالمس
 عمریم بویچه همراه دل بویله آلم ایستر
 تصویر قلم قاش لر کو کسیم ایچیده جاکیم
 غم بیرله قلم قلبیم بیر قاش قلم ایستر
 بیر تامچی دو داغینگدین لطف آیه اولر چاغیم
 آخردمیده بوغزیم بیر قطره نم ایستر
 بیمار کونگل اورتب وصلینگ نی شرابی دین
 ایزلب اوزیگه درمان میندین جام جم ایستر
 قلبیم مینی شبنم دیک بیر قطره سوبولگن
 گل بغریده جا تاپمی ناچار عدم ایستر.

1359

کابل

فرقت (نجوری)

ح ساه

نه کوندوز صبرایلن طاقت انه تون لرده قراریم بار
 مینگ حالیمنی سورمنگ لر قرایگن روز گاریم بار
 سربغ رنگیم خزان کو کسیمده گلگون داغ لرغم دین
 لبیم اقلیم ده کورسنگ خزان بیرله بهاریم بار
 اگر بختی قرادورمن مینگه قسمت بودور نیلای
 که بختیم نی قراقیلگن قره کوزلی نگاریم بار
 فو باش یوزلیک مرؤت سیز گوزل جانانه هجرینده
 لبیم ده موزلگن آهیم دلیمده اوت - شراریم بار
 نئای رنجور فرقت من سیور وصلیدین آبرو
 هم وقیغو جفا بیرله همیشه گیر و داریم بار.

1359

کابل

گلگون بهار

اصل محمود

گل آچیلدی باغ لره گلگون بهار بولدی ینه
 عشق ایلی گه نی عجب خوش روزگار بولدی ینه
 چقنه بان گل، لاله چیقدی بولدی بلبل نغمه خوان
 دشت و صحرا گه بولوت گوهرنشار بولدی ینه
 بول طراوت فصلی ده خرسندلیک و عشرت کیلیب
 قیغولی دل لردن آخر غم فرار بولدی ینه
 گل یوزینگ نی کور گلی باغ و گلستان لر آرا
 تیرمولیب هر یانه کوزوم انتظار بولدی ینه
 ای مینینگ عمریم بهاری کیل بهار ایامی دور
 تیلبه کونگلیم فرقتینگدین بی قرار بولدی ینه.

1359

کابل

نوروز

اصل سدری مقفول

کهلدی نوروز کیل اوزینگدین اور گیلای
 گل کبی گلگون یوزینگدین اور گیلای
 باغ آرا نرگس، کوزینگ بیماری دور
 کهل سپینگ شهلا کوزینگدین اور گیلای
 هر زمان یادیم گه توشگی صحبتینگ
 طوطی دیک شیرین سوزینگدین اور گیلای
 وصل ارا بلبل ایشین قیلدینگ فغان
 عشق اوتی ساز و سوزینگدین اور گیلای
 سین کونگل نوروز ده هم نوروز سیز
 و اعجب من نوروزینگدین اور گیلای.

1359

کابل

مبتلا کونگل

کوردی گوزل/ صورتینگ بولدی کونگل مبتلا
تیلبه و دیوانه دوز/ قیلغوسی تون- کون نوأ
بونه بلا کون ایدی باشیمه یاغدی بلا

« سویله مینگه ای گوزل کیم نی سیوریاری سن »

ایکی قلم قاش لرینگ بیردی علامت ینه
سرو قدینگ جلوه سی قیلدی قیامت ینه
تن ده حضور قالمدی کیتدی حلاوت ینه

« سویله مینگه ای گوزل کیم نی سیوریاری سن »

مین سینی کورگن زمان کیتدی بوتون اختیار
تاب و توانیم کیتیپ قالمدی صبر و قرار

قویمه مینی یغلتیب مونچه صنم زار- زار

« سویله مینگه ای گوزل کیم نی سیوریاری سن »

مونچه مینگه ای صنم جبروستم ایلامه
عاشق بیچاره نی همدم غم ایلامه
بوپله جفا ذمبدم مینگه صنم ایلامه

« سویله مینگه ای گوزل کیم نی سیوریاری سن »

گلشنه کیردینگ صنم عشوه بیلن سین یوروب
ارگس باغ کوزلری قالدی سینگه تیرمولوب
سرو اېگیلدی سینگه اول قدوقامت کوروب

« سویله مینگه ای گوزل کیم نی سیوریاری سن »

قویمه عظیمی نی زار کوزلری فشان گینم
بال و عمل لیلیگیم تیش دُرغلستان گینم
ساجینگه هر تارینه صدقه دل و جان گینم

« سویله مینگه ای گوزل کیم نی سیوریاری سن »

1359

کابل



چيراييليك

اجز سيني مقبولوع

باققنده جان آلوچي شهلا کوزينگ چيراييليك
 عالم گه اوت سالوچي آيدين يوزينگ چيراييليك
 سين سوزله سنگ سوزينگدن شهدوشکر ساچيلگي
 اول غنچه فستق آغزينگ شيرين سوزينگ چيراييليك
 مين اور گيلي قدينگدن قويگيل قدم کوزيم گه
 هر گردی کوز گه سرمه باسکن ايزينگ چيراييليك
 صدبرگ ونسترن لرسيندک لطيف ايمس دور
 باغ لطافت ايچره يلغوز اوزينگ چيراييليك
 مهرينگ ني تاري اي گل کونگلم ني چيرمب آلگن
 هم نازنين گوزل سن هم يولدوزينگ چيراييليك.

1360/09/07

کابل

شهلا کوزينگ

جنابم اوشبو جهان ده چنقه گن گلديک يوزينگ
 ساغرو جام شرايم دورايکي شهلا کوزينگ
 سويله سنگ ميگون دوداغينگ ني آچيان غنچه ديك
 هر لمان گه دُر ساچر کولبو بيلن هر بيرسوزينگ
 سين سپزاي آرام جان اصلا تيريك ليک يوق مينگه
 اي جهانم چشمه سي مينگه تيريك ليک سن اوزينگ
 باغ اراپور گنده کورسنگ گر قنات سيز قُمري ني
 نسر و قامت دلبريم ينادينگه توشسين يلغوزينگ
 کويله گي هر دم "عظيمي" بويله عشقينگ سوزي ني
 سوزوسازيم دور ميننگ، من صدقه سازوسوزينگ.

1360

کابل



بیروم

جمالینگ اوتیغه بوجانیم کویر
 یوزینگ شعله سیدن روانیم کویر
 توشیب سیندن آبرو بویروم کونی
 فراق دردیدن استخوانیم کویر
 بوه نفل ده سین سیزیانیم شمع کبی
 که آهیم اوتیدین جهانیم کویر
 منینگ بیروم دورسینگ صحبتینگ
 که سین سیزسویلا زبانیم کویر
 سنینگ مهرینگ ایستب فراق تونلری
 کونگل غم ده نامهربانیم کویر.

1360

کابل

بیروم ده

اورگیلی یاقاش لرینگدن ای گوزل
 ایللی بوی - باش لرینگدن ای گوزل
 حال سورب بیروم کونی کیلدینگ اولای
 بهره کورگیل یاش لرینگدن ای گوزل

سین کیلیب کلیم گه تا قویدینگ قدم
 کیتدی کونگلم اکلیمه سیدن رنج و غم
 قالیمس ارمان خسته کونگلیمده متینگ
 باش ایباغینگه قویب اولسم صنم

آچدی سوزدردیم نی من قیلدیم بیان
 هجریده چیکن لریم قیلدیم عیان
 سجده ایلب تا که باش قویدیم آنکه
 اغتیارسیز کوزیاشیم بولدی روان

دیدى یاریم اینجیمه کیم یول شودور
 آیلاماق شور و فغان لر عیب ایرور
 اوشله پروانه یولین عشق یولیده
 وصل جانان ایسته سنگ کویماق ضرور

مین دیدیم کویماق نه دور بریانه من
 شمع حسنینگه سینی پروانه من
 بو که بیغلمن فراقینگدن سینی
 اختیاریم یوق نتای دیوانه من

دیدى شاشمه اوشبو یولده صبر قیل
 وصل اوچون یار صبرایتا کین اوشله گیل
 میندین آیروقالگنینگده بیغلمه
 هم ینه فریاد و افغان قیلمه گیل

مین دیدیم سوز آچمه کیتماقدن ینه
 قیل لر رحم دل نی سوز و سازینه
 دل پرا سیگه سینی مرهم دیدیم
 ساچمه گیل سن توزنی یاره اوستینه

اوردی کیتماق قصدینه اول دلربا
 بولدی یارقین عالمیم بیردم قرا
 دیدی بیرم ، اوپده بارمهمان لریم
 گل کبی بیر کولدی و بولدی جدا.

1360

اهل



رنگين کوز

عاقبت بولدیم خزان اوتدی بهاریم کیلمدینگ
 چقنه گن گل فصلی کیچدی گلعداریم کیلمدینگ
 قامتینگ نی حسرتیده بوکدی غم لرقامتیم
 اورگیلی سروقدینگ دن ای نگاریم کیلمدینگ
 فرقتینگده قیغولرایتدی مینگ رنگیم خزان
 هجر اوتیده کویدی آخر روزگاریم کیلمدینگ
 مین خزان بولدیم بو کون فصل خزانیم کورگلی
 سیلکینیب قامت چیکیب مستانه یاریم کیلمدینگ
 ساغینیب شهلا کوزینگ نی عمریدور بیماری من
 بیرسورب حالیم نی ای کوزی خماریم کیلمدینگ
 اختیار سیز من نتای گراختیار سیزیغلم
 آلدینگ و کیتدینگ قولیمدن اختیاریم کیلمدینگ
 کویدیریب کیتدی "عظیمی" نی فراقینگ شعله سی
 رحم ایتیب بیچاره گه ای غمگساریم کیلمدینگ.

1360

کابل

سورنگ

سورنگ احوال زاریم نی سحر باد صبا لردن
 بوهار گن اوتلیغ آهیم نی سورنگ موج هوا لردن
 بو که بختی قرادور من منی بیچاره دن سورمنگ
 بو احوالیم سورنگ باریب قییق قاشی قرا لردن
 قیایب شهلا کوزی جادو آلر جان یوز جفا بیر له
 طلب کیلمنگ و فیا هر گز چیرایلیک دلربا لردن
 ایچه کیم مین وفا قیلدیم ایننگ جبر و جفا سیغه
 پشیمان بولمه دی بیر یول مینگه قیلگن جفا لردن
 اگر بات دن پشهر نه شکایت ایلمم یا تدیر
 بو درد اولدیر غوسی دل نی که یتسه آشنا لردن
 عباسی بولمه گر یوزده او دوست لرافتخارینگدور
 سنگه شرمده لیک بیتگی گروه بی حیا لردن
 کلمی بی نوابولدینگ تاپیلمس بو متاع، ایمدی
 لعل ایله مهر و محبت بی وفا لردن.

1360

کابل

(۱) رشیده زاله آواریده اوقیلگن.

قیزیل قدح (۱)

قیزیل می دن / قدح آلگن بیابان لر - بیابان لر
 گوزل ساقی / کبی رنگین بیزنگن دشت و دامان لر
 گوگرگن میسه و گل / لرغزل الخوان مست بلبل لر
 بهار فیضی بیلن رشک جنان بولگن گلستان لر
 سحر بادی چمن ایچره بولیب مستانه عاشق دیک
 اوپیبان غنچه لعلیدن قیلر هریانه جَولان لر
 آچیب مخمور کوزین نرگس قیلر هر دم اشارت کیم
 ایاغ بیرلن چمن ساری کیلینگ کوزلاری چولپان لر
 مگر سنبل گلستان ایچره ترقتدی ساچین هریان
 که مُشک هیدی بیلن خوشبولنوب دوریرو آسمان لر
 قطار تورگن درخت لر موچمن ده موج گل بیرله
 ویا کیم گل - طراوت دن متاع آرتگن می کاروان لر
 بهار کاروانی کویلب دیر چیرایلیک خوش صداییرلن
 مبارک ینگلی ایستک لر مبارک ینگلی آرمان لر.

1360/12/12

کابل

(۱) خیر محمد چاووش آوازیده اوقیلگن.

ساغینیب

کیل گیل ای آرام جان دیوانه بولدیم ساغینیب
 عقل و هوشیم دین بوتون بیگانه بولدیم ساغینیب
 گاهی بیخود لیکده کولگی من گهی غمگین دماغ
 اوشبولله حالیمه حیرانه بولدیم ساغینیب
 دانی دور کپلمدینگ حال خرابیم نی سوره ب
 پانه - پانه کویلدوم و بریانه بولدیم ساغینیب
 فرسنگدین ای گوزل مین قاره تون لرده مدام
 شمع دیک تانگ آتگوچه گریانه بولدیم ساغینیب
 گل بوزینگ نی ایسله دیم کونگل ده داغ لر گلله دی
 اوشدی اوتلر بفریمه سوزانه بولدیم ساغینیب
 مین سینی سیودیم دیگن سوزدین توشیب آوازه لر
 اهل عالم گه عجب افسانه بولدیم ساغینیب
 ای گوزل مېگون دوداغینگ حسرتیدین عاقبت
 همدم ساغرییلن پیمانه بولدیم ساغینیب.

1360

کابل

سریغ رخسار

عمر ۲۳ ساله

خزان نی کوپ سیورمن کیم سریغ رخساریمه اوخشر
 سیورمن لاله نی بویله دل خونباریمه اوخشر
 گلستانده گوزل نرگس کوزیم گه جلوه سی آرتوق
 که رنگی رنگیمه مانند کوزی بیماریمه اوخشر
 سحر بلبل نواسیگه ایرور من سونچه لرمفتون
 نیچون کیم ناله ای زاری فغان زاریمه اوخشر
 مینی عیب ایلمنگ دوستلرشرا به باغله دیم کونگل
 که گلگون می ایاغ ایچره دوداغ یاریمه اوخشر
 قراساچلی قراکوزلرمنینگ قلبیمده جای آلگن
 قرا لیک مینگه پیوند دور که شام تاریمه اوخشر.

1360/07/29

کابل

تانگ یلی

عمر ۲۳ ساله

تانگ یلی قیشلاقه بارسنگ شوخ برنا نی سوره
 نازاویقوسیده یاتگن کوزی شهلا نی سوره
 قلمه گیل زلفین پریشان دل پریشان بولمسین
 ساچیده زولانه بولگن قلب شیدا نی سوره
 گر پلپ بارسنگ آنینگ در گاهیگه زینهار کیم
 قاشیگه دیگیل سلام ، لعل شکرخا نی سوره
 گل لماشاسی اوچون گلشنده بولسه یاراگر
 ایلپ بوی باشیدن خوش قدبالا نی سوره
 مین اوچون بادسحر اوپگیل آیاغیدن باریب
 دل لالیدن لاله رنگ بولگن کف پا نی سوره.

1360/11/27

کابل

کیل بهاریم

اس حذو

روزگاریم دورخزان وزاروصلینگدن جدا
 کیل بهاریم یوق منینگ دلداروصلینگدن جدا
 گل جمالینگ بولمسه گلزاردر کاریم ایمس
 بی طراوت دورمینگه گلزاروصلینگدن جدا
 جلوه سی منظورایمس گرسروقیلسه جلوه لر
 نی کیرک طأوس خوش رفتاروصلینگدن جدا
 فرقتینگدن داغ یوراگیم هجرأوتیده کویب
 دردیکه تاپمس دوا، بیماروصلینگدن جدا
 نازنین قربان نازینگ من اینجیتمه مینی
 بیغله- بیغله مین اولرمن یاروصلینگدن جدا.

1360/11/27

کابل

حُسن قویاشی

اس حذو

کیلدی بیرم تیرمولوب اول مه لقانی ایسترم
 رحیم تیربیگانه خو بیراشنانی ایسترم
 بیزلیب چیقن گوزل لرایچره هر دم ذوق ایلن
 دل ایچینده خانه قیلگن دلربانی ایسترم
 داله حال، ساچی دامی کیپرکیکن اوقی بیلن
 دل قوشین صید آيله گن اول قاشی یانی ایسترم
 عمرلردورترک ایتیب کیتگن منی ومین اوشل
 بیری قتیق، عهدیلغان بی وفانی ایسترم
 قامسیم نی غم بیلن قیغومینی بو ککن ایمس
 ایزلریگه باش قویوب قامت رسانی ایسترم
 ای قویاش یوزلیک سنینگ حسینگ قویاشین ایزلبان
 کهکشان لرگه باریب بیر- بیرفضانی ایسترم
 سوره منگیزمیخانه ده نیلر "عظیمی" تون له کون
 عشق دردین دفعینه آچیق دوانی ایسترم.

1360/04/27

کابل

عهد یلغان

کیل مسنگ بیرم ده یادلب یخشی جانانیم میننگ
 حسرت و غم دن چیقربول چیقمگن جانیم میننگ
 سندین آیرواوشبو کون هجران اوتیده اورتیب
 دانه-دانه بیرگه توشگی کوزده مرجانیم میننگ
 کویه-کویه غم توتونیدن قرانغو خاطریم
 یارقین اولمس بی جمالینگ مهررخشانیم میننگ
 هر دوداغلرده کولگولیکن قان توکر کوزیم نتای
 فرقتینگده ته به-ته قان قلب بریانیم میننگ
 بیریولی کیلسنگ سینگه درد دلیم نی سویله سم
 اونده اولسم قالمگی کونگلیمده ارمانیم میننگ
 بول جهانده بیریم وصلینگ سینی دورهم ینه
 گل یوزینگدور جنتیم باغ بیرله بوستانیم میننگ
 وعده وصلینگ "عظیمی" غه ایدی بیرم کونی
 کیلمدینگ بیرم ده هم ای عهد یلغانیم میننگ.

1360

کابل

مقصود گوهری

بهار کیلیدی گل نوروژ آچیلدی دشت و صحرا گه
 لیل لاله بیبان لرده اوخشر جام صها گه
 دهن لیراغ بغریده عجایب چقنه گن گل لر
 طبیعت رمزی نی بیلیمک اوچون چیقگیل تماشا گه
 بحرارده صباخوشبو کیلمر مشک هییدی هریاندین
 دگر سبل ساچین آچیب سیپیدور مشک دنیا گه
 کیلسن دهب چمن ساری خرام آیلب قویاش یوزلی
 ایاغینگ آستینه گل لر کورگن شول تمنا گه
 کیلر بولسه شتاب ایتسین بهارو گل آچیلگن ده
 حیران دورمن سحر بادی دیگیل زینهار آشنا گه
 کوزیم کور بولفسی آخر جدا دور نوریدین یارب!
 ینه هم کوزلریم بیریول توشرمی کوزی شهلا گه
 آیر بولسنگ اگرسن گوهر مقصودی دریادین
 که قیرغاقلرده اویلانما اوزینگ نی تشله دریا گه.

1360/12/23

کابل

حزق سالم آچیلگن گل

حیاتیم باغیده گل - گل آچیلگن گلغذاریم سن
بهشتیم سن گلستانیم چمن سن سبزه زاریم سن

بهاریم سن - بهاریم سن

لبینگ شهدوشکر کانی یوزینگ دورجنت و باعیم
تیم ایچره شیرین جانیم مینگ سیوگن نگاریم سن

بهاریم سن - بهاریم سن

تیریک لیک دورمینگه نورجمالینگ ای چمن آرا
قویاشیم سن حیاتیم سن جهان ده اعتباریم سن

بهاریم سن - بهاریم سن

سینینگ قوینینگ مینگه گلشن طراوتلی بهارینگلیغ
چیرایلیک چقنه گن باغیم گلیم سن لاله زاریم سن

بهاریم سن - بهاریم سن

سینینگ عشقینگ مینگ جانیم مینگ جانیم سینینگ عشقینگ

غروریم سن سروریم سن دلیم سن دل ده باریم سن

بهاریم سن - بهاریم سن

1360/12/03

کابل

تازمه آتگونچه

هجرینگده فغان قیلدیم جانانه تانگ آتگونچه
غم بیرله کوپ یاندیم هجرانه تانگ آتگونچه
همدم مینگه غم بولگن قیغومینی یاریم دور
یوزدره والم مینگه هم خانه تانگ آتگونچه
عسب ایلعه ای زاهد یارفرقتیده دایم
ایلگیمده اگر کورسنگ پیماننه تانگ آتگونچه
عشقینگده بولیب مجنون هر کیچه قرار گاهیم
ویرانه کونگل بیرله ویرانه تانگ آتگونچه
کولسدره فراق اوتی بغریم گه یاقیب اوتلر
اون لرده پانیپ جانیم بریانه تانگ آتگونچه.

1360

کابل



ترانه (۱)

آدمی کیتگی جهان دن آب ودانه قالغوسی
 یخشی لیک لریایمان لیکدن نشانه قالغوسی
 قیلمه گیل ویران ستم بیرله غریب ویرانه سین
 کیم اوچرلاچین قوشینگدن آشیانه قالغوسی
 قهرمان لردیک کوره شگیل کیم عدالت یولیده
 خوش حیاتینگدن سنینگ اوشبوفسانه قالغوسی
 هیچ بیراونینگ کونگلی نی آغریتمه آچیق سوزیلین
 تیز بیترزخم قیلیچ تیل زخمی جانه قالغوسی
 تاثیریک سن کویله گیل دوستلیک نوأسینی مدام
 ای "عظیمی" سین کیترسن بول ترانه قالغوسی.

1360/01/17

کابل

(۱) رشیده ژاله آوازیده اوقیلگن.

لیدور؟

اسی سفتور

اورمیدیر، جادومیدیر یا کیم ایکی ساغر میدیر
 کیم کینگ او قیدیر یا صاف چیکن لشکر میدیر
 افسان می صورتینگ یا کیم آچیلگن نوبهار
 لب لرینگ نی بال دیسام یا کیم عسل - شکر میدیر
 اولهال قامینگ دوریا که بوستان زینتی
 گل میدیر، گلناره دیرمی یا که گل پیکر میدیر
 ایلیب قول نوله سنگ هریانه غوغا لرچقیر
 ده فیلینگ مویلمه دیم یا کیم دم محشر میدیر
 ای بوزینگ نی کوربان کیتدی قولمدن اختیار
 دلسر یا دیسام مویا بی باک بیر دلبر میدور.

1360

تاشکند

گوز تیگمَسین

امل سوسى حزر
 گل کيب چيقدينگ نگار کوز تيگمَسین
 آچیلیب سن ای بهار کوز تيگمَسین
 اور گیلی ایکی قیزیل رخساره دین
 چقنه گن بیر لاله زار کوز تيگمَسین
 مست ومدهوش آيله گي باققن محل
 نرگسینگ غرق خمار کوز تيگمَسین
 حلقه - حلقه بیل اوزه مُشکین ساچینگ
 مست ایلان دیک تولقونار کوز تيگمَسین
 سین بیلن فصل بهار وسیر گل
 قنچه لر خوش روزگار کوز تيگمَسین.

1361

کابل



شمع جمال (۱)

شمع سینی امیر سلیم

من شمع جمالینگ گه پروانه بولای دیمن
 عشقینگ، کوپ جاننا بریانه بولای دیمن
 عشقینگده کوپوب یانیب ای لیلی وشیم هر دم
 عشقون کی عالم گه افسانه بولای دیمن
 اولدیرمینگه پیمانه گل یوزلی گوزل ساقی
 عشقم بيله هوشمندن بیگانه بولای دیمن
 گر کوپسه رقیب کوپسین یوز حسرت وغم لرده
 سین طرفه صلتم بیرله هم خانه بولای دیمن
 کوپس بو ایکی کوزوم باققنده جمالینگه
 آینه دیک، حُسنینگه حیرانه بولای دیمن.

1361

کابل

تیریک لیک

اصل صقور

تاتیریک لیکم بارو مست لیک بیرله تامیخانه بار
تا ایناقچی بیرله میناده شـراب پیمانه بار
تا که بار دیر بیرخراب اهل خراباتدن تیریک
تا بو مستانه سرأ ده نعره مستانه بار
تا که تا ک نینگ تامورینده آب حیوان جوش اورار
تا اوزوم نینگ غجله سیدن خم ایچینده دانه بار
تا که بول ایسکی جهانده بار ایرور دیر مغان
تا که مغل نینگ حسنیندن دنیا ارا افسانه بار
تاجهان بار وجهانده آفتاب رخساره لر
تا که قانده تولقونوب عشق گوزل جانانه بار
عقل بیرلن هوش جهانده مین اوچون درکارایماس
کیم تیریک دیوانه لیک ده بول دل دیوانه بار.

1361/10/09

کابل

عشق انجمنی

بیرلیمان شمع یاغدوسی بیر یان همه پروانه لر
بیرلیمان لیلی چیرای لر بیرلیمان دیوانه لر
انجمن ده عشق بیر یان حُسن مُشتاق بیرلیمان
بیرلیمان جان تلپنر بیر یان گوزل جانانه لر
بیرلیمان ساقی چیرایی بیرلیمان می کیفیتن
بست اوپنر بیرلیمانده بیرلیمان مستانه لر
دم - شود قلدردیب غنیمت اهل دل دوره توزینگ
کویلا گای شیشه صداسی کویلا گای پیمانه لر
مخمل ایچره ناله مُطرب نینگ اوج - موجیدن
شادمانلپکدن تُو کریاش کوز اوزه مژگانه لر
بول ناپیب هر خاندانگه شادیانه نوریدن
غم بوکی آزاریدن آزاد اولارمو شانه لر
ماجرای حُسن بیرله عشق ایدی تانگ آتگوچه
اوشبو تون افسانه سیدن رنگ آلور افسانه لر.

1366/11/25

کابل

گور گوممه

ساقی شراب سوندى گور گوممه بولدى قالدی
 آیدیک جمالی توندی گور گوممه بولدی قالدی
 باغ وچمن ایچلینده بلبل اوقوب ترانه
 گل شاخه سیگه قوندی گور گوممه بولدی قالدی
 آیلاب اثر دلیگه تونلرده گی فغانیم
 یار مهربی بیزاله کوندی گور گوممه بولدی قالدی
 گلچهره گلغذاریم ایزلاب بهاره کیلدی
 کونگل مرادی اوندی گور گوممه بولدی قالدی
 کونگلیمگه شادمانلیک یار و صلیدن قیلیب جای
 غم پیگری نی یوندی گور گوممه بولدی قالدی.

1367/03/22

کابل

بلند اشیان

کوردی دلدن هر نه دیر مشکل مینگه
 ای بلا لرنی کیتوردی دل مینگه
 بانگیمگه تامچی تامچی سو بولیب
 کوردی تون آقشام شمع محفل مینگه
 بیغلامیم گل یوزلی دن آبرو چنان
 قالدی قاپل تون کیچه بلبل مینگه
 بیغدی تانگلا ساچینی او ییب صبا
 کلدمو یا نگهت سنبل مینگه
 ای یار ایتدی می و میخانه دن
 ابروی شهلا کوزلریدن مل مینگه
 گو کسی بیر گلشن مینگه رخساری گل
 اون کسی کوزیمگه یارسیز گل مینگه
 بیر یوز پنده سورمانگیز میندن نشان
 قاپه لر بریده دیر منزل مینگه.

1365/04/30

کابل

دل کوزگوسی

ساجینگ نی سیور یار پریشان قیله کورمه
 عنبرنی جهان بویچه ارزان قیله کورمه
 دل کوزگوسی حیران جمالینگ بوله قالسین
 کوزگوگه باقیب حسنینگه حیران قیله کورمه
 سیندیردینگ اگرمین بيله پیمان وفانی
 اولدیرغوسی دیر اوزگه گه پیمان قیله کورمه
 ای باغ لطافت بو لطافت بيله زینهار
 سیر ایتکالی گل قصد گلستان قیله کورمه
 گل بغرین ایزیب غنچه چیراییگه باسیب داغ
 بلبل ایشنی ناله و افغان قیله کورمه
 اوقدیرمه ستم اوقینی کونگل ساری مونداق
 مهرینگنی بوزوق اوینی ویران قیله کورمه
 بار گاهینگه یول تاپمادی افتاده گدا دل
 بیر یانینگه یوقلا آنی بریان قیله کورمه.

1365/07/26

کابل

باشیرون درد ای

سویلاسام اولدیرغوسی لر ایتماسام غم اولدیرار
 دل ایچینده باشیرون دردی که کم - کم اولدیرار
 دل ایچینده؟ سینگن قایق دیر کوچلی بوران نی کیرک
 لایوان چومالی نی بیرقطره شبنم اولدیرار
 قدرته چنطاق کیشی یاوایی حیوان دن اوتر
 نی سبب دیر بولماسه ، آدم نی آدم اولدیرار
 گل عزان بولمیش سولیان شوره چیقمیش گلشنه
 باسبل شوریده نی قیغولی ماتم اولدیرار
 مهربانلیک آفتابی دوغماسه نور ساچگالی
 باش اوزه رحمت بولوتدن توشماسه نم اولدیرار
 همسفر توتقونلره دینگیزلرایچره شادمین
 بوقسه اول آسوده لیک قیرغاققه چیقسام اولدیرار
 دوستلریم آوازیمه اُفتلی آوا لر قوشینگ
 ایره لیک بیرله حیات بولگنده بیردم اولدیرار.

1366/07/12

کابل

هوز
 الفتلی نوا

عشقینگ یوللده ترک سر و ترک تن ایتدیم
 اوت ایچره سمندر کبی منگو وطن ایتدیم
 کوزیاشی اگر قیلدی کونگل اویبی نی ویران
 کو کسیم نی بیابانی نی رشک چمن ایتدیم
 کیچدی سینی دیب ای گوزلم جان وجهاندن
 گل برگ وفادن تلن زاره کفن ایتدیم
 الفتلی نوا لرچیکه دیر شام و سحر لر
 دل بلبلی نی گلشنینگه نعره زن ایتدیم
 آیل کو کسیده جای آلدی بوگون، خاطره میزتا،
 مردم لیک و مردانه صفت لیکنی فن ایتدیم
 شادلیک دمی نینگ قیسقه لیگین بیلدیم و بویله
 دل مونسی نی غم بیله درد و مَحَن ایتدیم
 سویلرده تو کنماس گوزلم جور و جفانگدن
 قربان وفانگ بولدیم و قیسقه سخن ایتدیم.

1366/02/07

مزار شریف

صحنه سالم
 چیرایلیک منزل (۱)

هم رنگلر ایندی ای تاریم که جانان محفله کیلیدی
 چیرل گویله غزل کونگیم غزالینگ منزله کیلیدی
 غلبه ابرماس بوگون چیکسام فغان شادلیک بیلن هر دم
 چیرای آچدی چمن گلاب، زمانه بلبله کیلیدی
 اوقوب دوستلیک بیاتیدن ترنم آیلابان بیباک
 اوسا ایلدن اوچیب بیر قوش ینه بیر ساحله کیلیدی
 گوزل دیک جام دوستلیکنی سُروریاغدو سیده بیر دم
 که بناده جوشقیب کیتدی صُراحی قُلُقَه کیلیدی
 دعوت رفته سی پیرله مسلسل باغلا دیک دنی
 باشیب ایسکی زمانلرنی بیزه بو سلسله کیلیدی
 ایسک دوستلیک اوروغینی زمین کو کسیمیز اوزره
 سوغار دیک خون دل بیرلن که بولگون حاصله کیلیدی
 هر روزه باغلا دیک دوستلیک نوأسین دوستلر بیرلین
 چقیب دلدن نوای دل کویب اویناب دله کیلیدی.

1366/09/12

کابل

(۱) مرحوم الحاج استاد عبدالغفور کمال آوازیده اوقیلگن.

آدشگن

مین اول حرف پریشان کیم سخندانن ادشگن مین
 غزل دیرمین چیرایلیک، طرفه دیواندن ادشگن مین
 سلیمان سخندانیم قنی سوزملکی سلطانیم
 توشیان آیره سلطانن، سلیمانن ادشگن مین
 ایدی بیروقت و بیردوران ایدیم سالار کاروانلر
 بوگون دوران جدامیندن او کاروانن ادشگن مین
 ادشگن لرتاپیب منزل وصال یارایلن خوشدیر
 مینگه یات اولدی منزل لر که جانانن ادشگن مین
 میننگ قدریمگه نی یتسون تیکن زارویابانلر
 چیرایلیک گل هیدی ینگلیغ گلستانن ادشگن مین
 ایلیم مینگه تنیم بولسه تیلیم تن ایچره جانیمدور
 بولک لنگن تنیم بولکون نتای جانن ادشگن مین
 فغان آیلای دیسام چیقماس بو توتقون خسته آوازیم
 عنایتدیر فلکدن کیم مین افغانن ادشگن مین.

1367/05/20

کابل

جهرس

مین اول شوریده بلبل مین گلستان یادایترمیندن
 گلستان حصارینده کرد بیابان یاد ایترمیندن
 مین اول پروانه خاکسور دل و جانین فدایلیکن
 چیرایلیک انجمن لرده چراغان یاد ایترمیندن
 ایلیک فصل گل و ساغر قوریلسه محفل صهبا-
 نینده گاسه داشلردن فراوان یاد ایترمیندن
 جهرس مین ناله فریادیم همیشه کاروان بیرله
 یورون منزل ده هرمنزل بو گروان یادایترمیندن
 حسدا یارود یاریمدن خیالیم یار بیله دایم
 وصال یادایتماسه لیلای که هجران یادایترمیندن
 اگرچه گردهش دوران آپیردی روز گاریمدن
 یه بیرون کله شولده ی که دوران یاد ایترمیندن.

1367/07/12

کابل

اصل ۱۰۱۰
یلغوز لیگیم

شهره دیر بلبل کبی گل / لرین آشنالیگیم
 واه عجب گل / قاشیده یلغوز لیگیم / تنهالیگیم
 ایلا دینگ / رسوا مینی قانلی / کوزیم نینگ / باشری
 مینگه یتماس / مو ایدی ایل / ایچره اوز رسوالیگیم
 دل سینگه شیدا بولوب / یات بولدی دنیا / اهلیگه
 ایلا دی ایل / دن جدا گل / حسینگه شیدالیگیم
 جفت جفت پروانه / لر / حسینگه تیلبه / تاپیلور
 تاق تاق سینگه / وفادار لیکده گئی / یکتالیگیم
 قنچه پرواسیزایسام / دنیای بی پروا گه مین
 شونچه لرایزدی / قرانگ دنیا گه بی پروالیگیم
 کیلسه فصل نوبهار / بلبل ترانه باشلسه
 واه مینی اولدیر غوسی بی ساغرو صهبالیگیم
 عشق نینگ رازی نه دیر / معشوقه ایماسی نیمه
 شونچه بیلدیم بیلمزام / بودور مینگ دانالیگیم.

1368/06/08

کابل

تصویر ده گی تاثیر

ای سهری قوز

بیر گوزل تصویر ی توشتی قولیمه / بوز چمن گل لر آچیلدی یولیمه
 باقدیم و کیتدی جهانلردن ناری / آسمانلر کهکشانلردن ناری
 دل اویگه کیردی کوزیم یولیدن / کیتدی دل نینگ اختیاری قولیدن
 قیده دیر دل ایندی آرام قیده دیر / هر زمان ایستردل آرام قیده دیر
 نامی دل آرام بیرماس دلگه لیک / بیر سفر دیریتما گای منزلگه لیک
 چشمه سار حسنیند قانمس یورک / بوچیر ایلیک مهریدن تانمس یورک
 ساغر کوزلاریدین یتماس نمی / بولما گای دل غافل اندن بیردمی
 دل اراکیم نقش اولدی صورتی / شونچه لردلکش اولدی صورتی

توشتی غوغا ناگهان دل اویگه دل قوشی کیتدی اوچیپ یارکویگه

دل نه دیر کورماچی سیزدیوانه نی شمع طوافینده باقینگ پروانه نی


بوخیال لریبرله قیتدیم اوزیمه اوشبوسوزنی قیته قوشدیم اوزیمه

بول گوزل تصویریده مونچه اثر

اولدیرا دیر کوزمه - کوزبولسه اگر.

1350/01/30

کابل



قویماق


(۱) صفور

یوت کونگل خونابه لرتویماق قالگندیره‌هنوز
تیرناغیم اوی غم تاغین اویماق قالگندیره‌هنوز
بسملی سانسیز ایرور اولگن لریدن سورمانگیز
تیغ قاتل برقیده سویماق قالگندیره‌هنوز
بیر عمر کویگن بیله سین رحم سیزلیک اوتیده
پیشکانینگ یوق ای کونگل کویماق قالگندیره‌هنوز
حق اوچون ینچیلگانینگده خسته تن برداشلی بول
گریولینگ شولدر ایاق تویماق قالگندیره‌هنوز
گرتنیم نی ذره ذره ایلابان ساچدی نه باک
ذره لر کویلرهمان اویماق قالگندیره‌هنوز

میده تاشِ غم یاغرباشینگه میده عادت ایت
 ای مینینگ قتیق باشیم قویماق قالگندیره‌نوز
 منزل ارمانگه یتماغیم یقین دیب او یلامه
 اوشبو یول غم دردیده کویماق قالگندیره‌نوز
 اولماگیل نامیدمجت عالمی شونده ی ایرور
 جبر حدسیز اوتمالی سویماق قالگندیره‌نوز.

1369/07/25

کابل



وَسْوَسَه

(۳۱) غزدر
 کیلمادی کیلگوم دیبان ای دل وفاسیز یارایکن
 عهدیده یوقتور وفا جور و جفاسی بارایکن
 کوزلرین چولپان دیمه ایکی قراقچی لرایرور
 کیم ایشی غارت ایشتور پیشه سی آزارایکن
 وعده لر قیلدی ولی بیر یول وفاسین کورمادینگ
 بوشهر ده نازنین لرمهری یوق مکارایکن
 مهربان سیزدینگ انی کورگنده کونگلم بیلماين
 کوزلری جلاد ایکن قاتل ایکن خونخوارایکن
 ساده توشگن ای غریب کونگلم منینگ آواره بول
 سیوگانینگ سیندن بولک بیرنیچه گه دلدارایکن

دل آنینگ ایلگینده نی دیربیر اوینچاقدن بولک
بیرمتاعی کم بها بازاری یوق بازار ایکن
اویلادیم دلنی آلیب چیقسام و فاسیز شهریدن
کیتماگیم بولدی قیین بول ناتوان بیمار ایکن
وسوسه ترک ایلادیم کیچدی بوسودا دن بری
تیگره باقدیم آچیب کوز برچه مینگه یار ایکن.

1370/08/01

کابل



غم قوچاغی (۱)

سیویملی کوزلری - بختیم چیراغی
چیرایلیک صورتی کونگلیمنی - باغی
نهان عشقیم نی رسوا ایلاماقده
قیامت ایلادی کوسیمنی داغی
کوروب گل پیراغین بلبل لیلینده
میننی کویدیددی حسرتده دوداغی
کوزوقاش و لب ورخساری بیریان
جانیم نی آغوسی بادام قباغی
ایشیم نینگ اولی رسوالیق اولدی
خداییلگای نه بولغوسی اداغی
کونگل آسمانلره پرواز ایترسن
باشینگه یتدیمو دلبرایاغی
جدالیکده غمی دردیمگه درمان
مینگه جنت بولوبتور غم قوچاغی.

1370/04/12

کابل

شکرستان

کوزدمیدن ایسماسون باغ ایله بستانینگه
 بلبل زارینگ ینه کیلندی گلستانینگه
 یارقین ایرور صورتینگ مهرو وفا نوریدن
 سجده فیلور آفتاب هر کیچه آستانینگه
 لعل وشکر بار ایله سویلاسه بیر سیوگیلینگ
 طوطی دل لال اولور خوش شکرستانینگه
 عشق و وفامسکنی، اهل جهان ناز ایتر
 عشق و وفادن توله قصه وداستانینگه
 هرذره توپراغینگه جوهر عشق قاریلن
 عشق بیرینچی سبق طفل دبستانینگه
 انجمن عشق آرا مهروفا جلوه گر
 بیر کپلک مین غریب شمع شبستانینگه
 عاشق شوریده مین مهرو وفا مشربیم
 ای چمنستان عشق مین چمنستانینگه

1370/08/24

کابل

سین سیز

بختیم کوکی دیر قاره ای ماه تمام سین سیز
 کو کسیم جگریم پاره ای ماه تمام سین سیز
 کونگلیم اویی درد اویی هجر ایله فراقینگده
 بولماس بو کسل چاره ای ماه تمام سین سیز
 باش اور گانیدن تینمای غم تونلریده تاشگه
 دل باشند ایاق یاره ای ماه تمام سین سیز
 یوز درد و الم بیرین قیغوی جهان بیردن
 یوزلندی من زاره ای ماه تمام سین سیز
 مینگ باغچه گلاب بولسه دل کوزیده نیتسون کیم
 یوق طاقت نظاره ای ماه تمام سین سیز
 دل بولدی سینگه مایل ایستاب دم شادلیکنی
 آرتدی غمی تا باره ای ماه تمام سین سیز
 طوطی طبعیم توشگچ آیرو شکرستاندن
 بیر کیلمادی گفتاره ای ماه تمام سین سیز.

1371/03/21

شبرغان

اصل محزون سرسان قویون

ای کونگل دردینگ بو گل اول گیلرگه اوخشاماس
 چهره ای زردینگ بو گل اول گیلرگه اوخشاماس
 شوچه سرسان جفا بولدینگ قویوندک آیلانیب
 کوکدگی گردینگ بو گل اول گیلرگه اوخشاماس
 ای زمان اوتدینگ نه ینگلیغ مرد و نامرد قاشیدن
 مرد و نامردینگ بو گل اول گیلرگه اوخشاماس
 شوق اوتی سینده سونوبدیر دل اثرسیز دیرفغان
 ناله ای سردینگ بو گل اول گیلرگه اوخشاماس
 ای قمارخانه جهان کیتدی قولیمدن زندگی
 نخته نردینگ بو گل اول گیلرگه اوخشاماس
 غربت آباد ده قویاش دک یکه گیزمیش مین فلک
 بول جهان گردینگ بو گل اول گیلرگه اوخشاماس
 کویله وصلتدن "عظیمی" چونکه فرقت بابیده
 سویله گن فردینگ بو گل اول گیلرگه اوخشاماس.

1371/11/23

شبرغان

ویران کونگل

سیننگ یادینگده مین اولدیم مینی یادایتمادینگ هرگز
 یورک ناشاد ناشادینگ کیلیب شاد ایتمادینگ هرگز
 آقیب سیلاب قیغولر کونگل ویرانه ویران دیر
 بوزیلگن خانه مهرینگ نی آباد ایتمادینگ هرگز
 یورک نی بینوا کوردینگ گرفتار بلا قیلدینگ
 آسارتدن اسیر غم نی آزاد ایتمادینگ هرگز
 عمرلر کیم بوغیلگندیر یوراگیم خسته آوازینگ
 جفا چیکدینگ وفا درباریده داد ایتمادینگ هرگز
 فراق دهشتلی اوتینده طواف حُسنیدن آیرو
 کونگل پروانه دک کویدینگ و فریاد ایتمادینگ هرگز

گلستان وصالیدن جدا یورگن غریب بلبل
 نه بولدی کیم فغان وناله بنیاد ایتمادینگ هرگز
 اگر هر یانه باقسام مین جمالینگ آشکار بولگای
 همه یادیمده سین- یادی بو ناشاد ایتمادینگ هرگز
 سنینگ هر نامه ای عشقینگ بو یلگن غم بو یاغیگه
 جدا غمدن "عظیمی" نامه ایجاد ایتمادینگ هرگز.

1371/11/10

شبرغان



چیکسیز حسرت

رس مکتوب

تن گه جان منظور ایماس بولگنده جانانندن جدا
 کو کس ایچینه دل اورارمو توشسه ارمانندن جدا
 اینتیلیب قالگن یولینگده انچه بیل لردن بیری
 حسرت چیکسیز زمیندیرمین که آسمانندن جدا
 یوز جفا بیرلن آیرگن روزگار یاردن مینی
 کاشکی بول بیمار تن نی آیلاسه جانندن جدا
 یاردن آیرو دلنی بیردم کورمادیم فریاد سیز
 بیر زمانی بولمادی کوز یاشی مژگانندن جدا
 قاشلرین کوردی قیلچدک قان تو کرده رحم سیز
 بینوآ دل بولمادی بو حال ده هم آندن جدا
 دل ایماس دور بولماسه انسانیتدن درد انگه
 آیلامه یارب! کونگلنی درد انسانندن جدا.

1371/11/14

شبرغان

غم آشیان

بیغلامای تانگ آتگوچه آرام جان سین سیزنتای
 فرقتینگده آیلامای بغریمنی قان سین سیزنتای
 تا که مهرینگ سایه سالماس بولدی مینگه نازنین
 مهربانلر بولدیلر نامهربان سین سیزنتای
 شونچه لر آسمانگه چیقدی اوتلیغ آهیمدن مینگ
 بیغلادی حالیمگه بیرو آسمان سین سیزنتای
 جان کیلیب بوغزیمگه قالگن بیر کورار گه اینتیلر
 کورماسی اولماقچی بولدیم بی گمان سین سیزنتای
 کاروان غم کیلیب یندی یوراگیم دشتیگه
 دل ایماس کو کسیمده بیرغم آشیان سین سیزنتای
 آیتگالی درد فراقینگ تاپمادیم بیرهمزبان
 سویله آلمای لال اولوب مین بی زبان سین سیزنتای
 باشلادیم داستان عشقینگ کویلرم عمریم بویی
 یتماگای پایانیگه بول داستان سین سیزنتای.

1371/10/24

شیرغان

ارمانلی نور

کوزلریم دیدارینگه توشگایمو کین
 دل قوشی گلزارینگه توشگایمو کین
 قیریلیب هریانه باقکنده بیگم
 بیرنظرمین زارینگه توشگایمو کین
 کوزلرینگدن بیر محبتلی نگاه
 مین کبی بیمارینگه توشگایمو کین
 حُسن رسوا عاشقی میندن بولک
 خوش چیرای بازارینگه توشگایمو کین
 خسته کوزیمدن اوچر نور وفا
 صفحه رخسارینگه توشگایمو کین
 تن غبارینگ اوچدی کونگیم گرد اولوب
 رهگذار یارینگه توشگایمو کین
 ای "عظیمی" تلپینیب چیقکن دلینگ
 مقدم دلدارینگه توشگایمو کین.

1371/10/27

شیرغان

بینوا دل

ای گوزل مین ساریگه باقیشرینگ بیراوز گچه
 قاش لرینگنی قیریلیب قاقیشلرینگ بیراوز گچه
 گل چیرای گلگون اییک کویناک کیسیان بیزانیب
 کوکسیمه اوتکیر آلاو یاقیشلرینگ بیراوز گچه
 نازادا بیرله چیرایلیک حُسن تابش تابیدن
 خرمن صبریم گه اوت چاقیشلرینگ بیراوز گچه
 بینوا دل نی توتوب یوز جبر بیرلن بوینیگه ،
 ایکی زلفینگدن طناب تاقیشلرینگ بیراوز گچه
 قیریلیب باقیشرینگ بیرله کونگلنی تیترا تیب
 کیرپیکینگ اوقی بیلن چاقیشلرینگ بیراوز گچه
 اوتدی قاشینگدن سنینگ نور دک آقیان بیلما دینگ
 آرتیدن کونگلم سوزیب آقیشرینگ بیراوز گچه
 شاشلیب کیتدی منینگ یانیمده تورمای ایندی دن
 وصل ایشیگین ای فراق قاقیشلرینگ بیراوز گچه.

1371/12/09

شیرغان

طراوت فصلی

بهار کیلدی گل آچیلدی چمنده
 نه بلبل ده قرار بار دپرنه مینده
 یناغینگدک چیرایلیک تازه گل لر
 ینه بوتماس گلستان زمنده
 یانر اوز اوتیده شمع اورتنیان
 سینینگ وصفینگنی تینگلاب انجمنده
 طراوت فصلی ده یوز ناز بیرله
 گل یادینگ اویانندی باغ تنده
 دلم یلغوز گلستان جهانده
 جداسیندن غریب دیرمین وطنده
 تنیم آزارچیکر گل سیز تیکندن
 اولر مین عاقبت دردو محنده
 بهار کیفیتی گل دن نمایان
 منینگ درک آیلانگیل کیفیم سخنده.

1371/12/18

شیرغان

تارِ کاکل

محبت شاخیکه قونگن عجب مستانه بلبل مین
 گوزل لیککه بیرلگن دل اولردک عاشق گل مین
 چیرایللیک صورتینگ بیرله عزیزیم آفت جان سین
 ایاغینگ آستینه توشگن غریب آزرده کونگل مین
 پریشان آیلابان ساچینگ کبی آرتینگده قالدیردینگ
 غمینگدن پیچ و تاب اوزره مثال تار کاکل مین
 کونگل میناسی دیر قیغوالم صهبا سیدن توله
 جدالیک دردینی چیککن نوای زار قُلُقُل مین
 دل حسرت بیرله تلپینگای جمالینگ آرزو آیلاب
 فغان و ناله و فریاد الملی حسرت دل مین
 اگر قدیم کمان بولگن کمال بخت ایرورمینگه
 که بیرآزاده قامت نینگ کیلیشگن قَدیگه قُل مین.

1371/06/23

شیرغان

غم شامی

جداً جانانه دن ایام غمده
 ایشیم آه و فغان دیر شام غمده
 فلک سوندی مینگه دل قانی بیرله
 قوشیبان زهر فرقت جام غمده
 جدالیک درد دن کونگلیم تینمسیز
 چیکر اوتلیغ نوأ لر دام غمده
 یورک غم دفتری پایانه ایتماس
 اینگ نامی قوشیلگن نام غمده
 من ناکام قیلای کیمدن شکایت
 مراد سیز دل کویا دیر کام غمده
 چیرایللیک صورتینگدن ایریلیبان
 آلم چیکدیم آلم آلام غمده
 جداسیندن غمینگ پیغام کیتوردی
 اورالگن مینگ بلا پیغام غمده.

1993/01/10

تاشکند

حسرتلی دم

مین نیلین کیم بولمادیم بیرساعتی غمدن جدا
 ایریلمادی دل قیغودن کوزبولمادی نمدن جدا
 بولدیم آلم لرمحرمی محرم دن آبرو داد ایتای
 یارب منینگدک بولماسون بیر کیمسه محرمدن جدا
 عشرت بیلن دوران سوران نی بیلگوسی حال منینگ
 بیلگای سن حسرتلی دمیم بولگانده همدمدن جدا
 یارسیزمینگه ایسکی جهان غمدن توله - غم خانه دیر
 یوقتورغمیم یارهمدمیم بولگنده عالمدن جدا
 شبنم قویاش شیداسی دیرتاب آیلاماس کورگن محل
 آفتاب بختیم دیر خزان قیغولی - شبنمدن جدا
 آدم محبت عشق ایله عالم آرا آدم ایرور
 آدمده معنی نی بولور عشق اولسه آدمدن جدا
 قامت قیامت هجریدن قدیم بو کیلدی عاقبت
 شمشاد قامتگه نی غم مین قامت خمدن جدا.

1371/06/31

شبرغان

خوش خبر (۱۱) سنی غموندن جدا

دل قوشی بیردی خبر راحت جانیم کیله دیر
 باغ دل ایچره یوروب سرو روانیم کیله دیر
 نی سعادت که بوگون یارچیرای آچیشیدن
 فرقت ایامی کیچیب وصلی زمانیم کیله دیر
 قاش قرا کیریگی خنجر کوزی شهلاهی تمام
 ساچی سنبل یوزی گل غنچه دهانیم کیله دیر
 اهل دل ایچره طوماریاشیرون عشقیم آچیب
 همه گه ایلاب عیان سرنهانیم کیله دیر
 جان ودل ایردی جدا انچه زمان لراوتیبان
 خوش خبرای دل وجان ایندی جهانیم کیله دیر
 خسته جیران کونگل توتگیل یورک اوتروسیگه
 آتکالی کیرییک اوقین قاشی کمانیم کیله دیر
 توشه یادیمگه فراق دوریده چیکن آلمیم
 کوزلریم چشمه سیدن دلده گی قانیم کیله دی.

1371/04/16

شبرغان

آنه تُرکیم

جهانده اوزیگیم یوقتورشهامتده سینگه مانند
 حیاتیم - بارلیگیم برچه سینگه باغلیق سینگه پیوند
 عزیزخلقیم باتورلیکده سینگه تینگداش تاپیلمایدیر
 ادبولماس حکایت دیرسینی وصف آیلاسام هرچند
 آنم عشقینگ دلم ایچره ، یوراگیم ایچره جوشقین دیر
 اگرهربندجدا بولسام جداسیندن ایماس هرربند
 مبارک خاطرینگ کوزگوسی اوزره قونماسون گردی
 قوانچیم سین ، سینی دایم کوراین شاداولوب خرسند
 اگرهون دیر "بیات" اولسون اگر "برلاس" وگر "یاقوت"
 سینگه دیربرچه سی فرزند ، سینگه جان وجگردلبند
 زمانلرده زمیننگدن صلابتلی صدانگ کیتماس
 اگر "غزنه، هرات" اولسون ، "سمرقند" و "وگر" خوقند"
 اگر "ایرکین" ایروراوغلینگ زمین اوزبیکستاندن
 خراساندن "عظیمی" دیر آنه تُرکیم سینگه فرزند.

1371/06/05

شیرغان

فاطره

کوزفصلی نینگ چیرایلیک کونلریدن بیریده
 قویاش کورینماسه هم یریم یولده ایدی. بولوتلر
 شوقدیرییرگه قاوشگن ، یامغور آز - آزدن یاغه
 باشلاگن ایدی.


یاغین آستیده سین بيله کوچه ده یوراباشلاگن ایدیک
 ایسینگدمو؟ مین سویلادیم هؤل بولدیک ، عزیزیم
 اویگه بارایلیک ، سین سویلادینگ «یخشی بوپتی ،
 عجب بوپتی» رساکولیشیب ، میده - چویده آلیب
 اویگه جُوناب کیتدیک. اویده تن بدنینگ حرارتیدن
 هؤل بولگانیم نی اونیتدیم .

منه! ینه شوندهی کوزفصلی نینگ بیرچیرایلیک
 کونی ، خودی اوشه کوندک قویاش کورینماسه هم
 یریم یولده. بولوتلرشوقدر بیرگه یاوقلاشگن کیم

اویلارسیز آسمان بیرگه قاوشگن ، یامغورآز- آزدن
 یاغه باشلاگن ، یاغین آستیده سین سیزکوچه دن
 بارماقده مین ، سین یوق سین ، هرتمانده آوازینگ
 جرنگلایدی: «یخشی بوپتی- عجب بوپتی» بو
 یلغوزلیکده خاطریمده یادینگ ، فقط یادینگ بیلن
 بولوتلرگه همنوآ مین.

1371/09/19

تاشکند



دردلی کونگل

حسنه امیر کوزوردی

بختیم دوغوسی نورلی گونش دوغمادی سندن
 بیلمام بوقراتون نه زمان کیچغوسی بندن
 ویرانه یه بنزر بوچمن گل لری اوزگون
 اوتمزمو سعادت یلی بیریول بوچمنندن
 دردینگی کونگل اوینه مهمان قیله گیتدینگ
 آزارینه قربان اولاین گیتمادی تنندن
 کوکسیم نی بیابانیده دل آهو سی مدهوش
 کوزینگی خیالی مَرلم اوتدی خُتنندن
 سین مهرسیز اولدینگ که زمان جبرین آشوردی
 سیندن گله دیربولسه گله اهل زَمَنندن

کونگليمده تيلک يوق تورور آزاريني چيکسه
 گل ايستاماگن قول آچيماس نيش تيکنندن
 هر دل ني ديمانگ مهرو وفا مسکني ايرميش
 دل اولدي بو حسرتده وفا گورمادي آندن
 دل گيتدي قاشيمدن بني خوار اولدي "عظيمي"
 بيلمازدي عزيز خوار اولاي ديرچيکسه وطنندن.

1372/08/24

شبرغان



قطعه

جهانده بيلورسن قاپي سي ايکي ،
 بيز انده يولچي اوتوچي عابر
 اگرده آرتوق تيلرميز آرتوق
 نه آزه قانع نه کوپه شاكر
 گيچن اونوتوک کوروب بوگون ني
 گيچر بوگون هم اونوته حاضر
 کوچ ايله قوت بار اولديغي گون
 نه ظالم اولغيل نه همده جابر
 بو کوچ ني بيرگون آلور زمانه
 قيلور نه قيلسه شوگونه قادر
 نه قيلسه تينگري بو قلغه قلدير
 بلاغه راضي قضاغه صابر.

1372/08/10

شبرغان

منگو حیات دل حیران

آیلانای قدینگ نهالییدن توانیم باریچه
 اورگیلای بولسام تصدق سینگه جانیم باریچه
 سین فلک دیرسین مینگه همده زمینم مقدمینگ
 باش - اداغینگه فدا بیر - آسمانیم باریچه
 کوزلرینگ یاغدوسیدن دل کوزگوسی آیدین ایرور
 سونماگای دل مہری، سیندک مہربانیم باریچه
 شادمانلیک نوریدن توله جهاندیر صورتینگ
 قیغو یول تاپماس جهانیمگه جهانیم باریچه
 عشق ایله آوازه لیک نام و نشانیم دیربلند
 عاشق شوریده مین نام و نشانیم باریچه
 خوار اولور مین سیندن آیرولیقده مین بویله عزیز
 باغ وصلینگ گوشه سینده آشیانیم باریچه
 آنه یورتیم آنه تیل بیرله حیاتیم منگو دیر
 اولماغیم ممکن ایماس سوزویانیم باریچه.

1372/11/06

شیرغان

سیودیم سینی

اس ساسنی حیران

کل پیرای ای نسترن سیودیم سینی
 نازنین ای کلبدن سیودیم سینی
 بیلکه توشکن ساپلرینگ سنبل کبی
 باش اداغینگ بیر چمن سیودیم سینی
 سیر لطافت عارضینگ بیرله اوزینگ
 بیر درخت کله کن سیودیم سینی
 جان کویر پروانه یلغوز مین سینگه
 سین شمع هر انبمن سیودیم سینی
 عشق ارا بولدریم ملامتگه نشان
 عاشق دلفسته من سیودیم سینی
 آل گلاب پیراغیدک دوداغلرینگ
 فیمپه بوی سرو سمن سیودیم سینی
 جان چقر تندن "عظیمی" کورماسه
 ای بلای جان وتن سیودیم سینی.

1372/05/20

شیرغان

مُشتاق دیدار

وصلینگه کونگل مایل دیدارینگه مُشتاقدیر
 کیل حسنینگه قربان مین یولینگده کوزیم آقدیر
 جان پرده سینی یایدی نازلی قدمینگ باسگیل
 بیچاره کونگل نیتسون یولینگده گی توپراقدیر
 سین سیزنه گوزل لیک بارنی قوناق ایروور کونگلیم
 سین بیرله گوزل هستی دل سین بيله قوناق دیر
 مغرور جمال اولمه سودای محبتده
 تاق ایرسه اگر حسنینگ عالمده وفام تاقدیر
 توتگنده وفانگ قولیم مهرینگنی نثار آیلاب
 عشق دینگیزی موجینده بوران مینگه قیرغاقدیر
 سیوگی نه عجب فریاد سیغماس دل و جان ایچره
 قارم بوصدا بیرلن تولگن همه آفاقدیر
 یاغگنده بلا اوقی چاغلایدی "عظیمی" نی
 شوربخت قرابخت لیک بول قسمت عشاقدیر.

1372/03/06

شیرغان

اُسروک سلام

ایاچچی کوزیدن اُسروک سلام کیلگنده نی بولگای
 بویالگن می بویاغینگه پیام کیلگنده نی بولگای
 صداسیز بیرنظر کوردیم تنیم تیراتمه گه توشدی
 خداییلگای دمی حرف و کلام کیلگنده نی بولگای
 توشوب آيرو وصالیدن خلایقگه تماشا مین
 کون اوتماس قیغو - غم بیرله که شام کیلگنده نی بولگای
 قرارسیز بینوا جانیم غریب لیکده اولر بولدینگ
 یارینگ کیلمای گل و وقت مُدام کیلگنده نی بولگای
 گلستان فصلی بولگنده کیلر گل بلبیلین ایسلا ب
 مینینگ هم ای فلک قاشی قرام کیلگنده نی بولگای
 یورک نینگ توسماگیل یولین محبت مُلکی سلطانی
 گوزل دربار حسنینگه غلام کیلگنده نی بولگای
 کوروب آستانه ده باشیم باسیب اوتگنده بیر یولی
 دیمایدیر سین "عظیمی" دک گدام کیلگنده نی بولگای.

1372/02/30

شیرغان

گلستاندن جدا

فلک چیکسيز بلالرجانه بیردینگ
 توله غمدن مینگه پیمانہ بیردینگ
 کوزیم نی آیلادینگ محروم دیدار
 آعیر دردی دل ویرانه بیردینگ
 جگر قانی آقر کوزدن روانه -
 عجب مرجان خس مژگانه بیردینگ
 چیقاردینگ شاهد شادلیک نی اوییدن
 عجز قیغولریگه خانه بیردینگ
 گوزل یارگه بیریب حُسن جهانسوز
 کونگل گه مشرب پروانه بیردینگ
 ستم بیرله آیبردینگ جان نی جانندن
 کویر جانگه غم جانانه بیردینگ
 بیریب یارگه جمال عالم افروز
 "عظیمی" گه دل دیوانه بیردینگ.

1372/01/01

شیرغان

خیال بُستانی

خیالیم گل لرین قیلدی پریشان صرصریادینگ
 کونگل مُلکین باسیب آلدی سراسرلشکریادینگ
 مرادیم مُلک دل ساری قدم نی قویمادینگ یادلب
 مینگه شهر مراد اولگن عزیزیم کشوریادینگ
 بوئلگن باش اداغ قانگه تینیمسيز تلپینزهردم
 تیلیب یوزپاره قیلگندیر یور کنی نشتیریادینگ
 خیالینگنی قراتونلراوزیمگه همئفس قیلدیم
 سحر لر عطر زلفینگنی ساچا دیربستریادینگ
 غزل لراویغاتر هر دم خیال قامت نازینگ
 مینینگ شعریمگه الهام دیرچیرایلیک مرمیریادینگ
 شراب وصلتینگ بیرله حیاتده بولمادیم سرشار
 خیالینگ باده سی همدم آنیسیم ساغریادینگ
 خیال بوستانیدن بیغدیم پریشان گل لریم بیریر
 چمندک گل بیزاب چیقدیم مبارک پیکریادینگ.

1992/02/03

تاشکند

یورک دردی (۱) حراج سالم

اول باشلاب نیگه جانیم اوزینگه آشنا قیلدینگ
 اخیرده مین غریبینگنی بلاگه مبتلا قیلدینگ
 کولیم سیرلاب باقیب مینگه اشارت آیلابان هر دم
 ساچینگنی سیلکیتیپ هریان اداییرله ادا قیلدینگ
 اگرسوماس ایدینگ عشقیم نیگه کوزینگ بیله سویلاب
 مینی شیدای مست آیلاب خلایقندن جدا قیلدینگ
 بوینگدن اورگیلای جانیم یورکده قالدی کوپ دردیم
 نه دردینگنی آلا بیلدیم نه دردیمگه دوا قیلدینگ
 اوزیم یلغوزدلم یلغوز محبت شهریده یلغوز
 امیرمُلک دل ایردیم کوینگده بیرگدا قیلدینگ
 امیدیم باغی گل آچمای بهاریم اوتدینگ و کیتدینگ
 خزان صر صر کبی نخل مرادیمگه جفا قیلدینگ
 مینینگ یکتا قدیم ، قدینگ زمانه بو کماسون هرگز
 اگرچه مینگ جفا بیرلن مینینگ قدیم دوتا قیلدینگ.

1992/11/25

تاشکند

(۱) مرحوم الحاج استاد عبدالغفور کمال آوازیده اوقیلگن.

شگوفه موجی

شگوفه موجی توفان وقتی بولدی
 طراوت باغده جُولان وقتی بولدی
 سولیم گل چقنادی بلبل غزلخوان
 کونگل ینگره که افغان وقتی بولدی
 تولوب لیلای گل دن دشت و صحرا
 که مجنون گه بیابان وقتی بولدی
 باقرمین هرتمان کورمای جمالین
 گلم قیده گلستان وقتی بولدی
 اریق قیرغاغیده سَرو چمن زار
 بوینگ کورماققه بوستان وقتی بولدی
 یورک بغریمگه سیغمای تلپینرسین
 مگردردینگه درمان وقتی بولدی
 بهارگه باغلادی پیمان کوترمین
 ینه هم ایسکی پیمان وقتی بولدی.

1373/01/03

شبرغان

حراج سالم
 ۱۳۷۳

چرا یکی کبوتر

کوزلرینگده ای سیور یاریم چیرایللیک رازی بار
 چقنه گن یولدوزلری کیم بیرجهان اندازی بار
 سویلاماسدن سویلاگای محفل ارا باقگن محل
 دل بیلور کیم بول صدا سیزلیکده نی آوازی بار
 گاهی مایل دیر باقرگه گاهی میلی ایلاماس
 اور گیلای شهلا کوزینگدن مینگه یوزمینگ نازی بار
 قب قرا یکی کبوتر دیر که جولان آیلابان
 انده - سانده چشمه ساری کوزیمه پروازی بار
 آسمان الفتینگده آیلا دی دل نی اسیر
 بختیار دیر دلقوشی کیم بویله بیر شهبازی بار
 عشقی نی کوز کوز ایتیب عالمگه کونگلم سیغماگای
 سین کبی ای نازنین بیر سیوگیلی طننازی بار
 یولدوز بختیم کوزینگدن آبرو تون لر یرمیده
 عمریدیر کیم تینگلارم دل تاریده غم سازی بار.

1373/01/07

شیرغان

چارلیدی باغلا

دریا لریننگ نریاقیدن چارلیدی باغلا
 هجران باسر کو کسیم ارا داغ اوزره داغلا
 بغریمده موج یاره لر توفانه دونمیش
 میندن سلام بولسون سیزه ای بغری ساغلا
 مین بیغلادیم یاشدن توله دریا لر آقدی
 فریادیمه داش بیرمادی تاش بیرله تاغلا
 چیقگنده هر تیربلا قوس زماندن
 درد و الم لردن توله کونگلیم نی چاغلا
 کیسه بهار کیلگوم دیمیش بادام آچیلسه
 بیلمام وفا قیلگا مو کین بادام قباغلا
 جان بیرگوسی دیب تینگله گن ایردیم لبیدن
 جان چیقدی جان بیرماق قنی یوپقه دوداغلا
 شیداً یورک فریادی نی سیزگه یوباردیم
 بیر ایسلانگیز گل چهره لر گل موجی چاغلا.

1373/01/09

شیرغان

شہلا کوزلرینگ

گل ایٹک ساچلر بیلن اوینا قی زیبا کوزلرینگ
 آیلا دی دل خسته نی باقی شده شیدا کوزلرینگ
 بیر کوروب کوزینگ مَرک دشت خُتن آواره سی
 ای سیویملی قنچه دلبر قنچه شہلا کوزلرینگ
 لب لرینگ یا قوت لیگی ، آیدین جمالینگ جلوه سی
 تشلادی گردونغه شور عالمغه غوغا کوزلرینگ
 بیر قیا باقدینگ ساچینگنی سیلکیتیب اوتگن محل-
 قیلدی بارلیک باری نینگ شولدمده یغما کوزلرینگ
 آی اوزه گلگون کجک سودا سیدن سرسانه مین
 بیلمازیم دل باشینه سالغای نه سودا کوزلرینگ
 نی قیلای دنیا و دولت باقماسه کوزینگ مینگه
 مینگه دولت کوزلرینگدیر مینگه دنیا کوزلرینگ
 کوز قیب اوتدینگ تون آقشام انگلادی انده رقیب
 یاشیرون عشقیم نی بویله قیلدی رسوا کوزلرینگ.

1373/01/18

شیرغان

بیلم (۱)

تن اوچون توسلی بیزک دک زینت جان دیر بیلم
 کو کدن یو کسکده مقامی بویله بیر شان دیر بیلم
 منزلی توقیز فلک دیر کهکشانلر یولیدن
 بیر قوچاغیدن توتوب تا اوج آسمان دیر بیلم
 ذره لر دک هر قویاش نینگ بغریده چیکسیز ایرور
 کو کسیده هر ذره نینگ مهر درخشان دیر بیلم
 دینگیز و بیرنینگ تگیدن آسمانلر گه قدر
 یول آلا دور واقف هر راز پنهان دیر بیلم
 ملکی ده یوق چیگره سی فرمانیده برچه زمان
 هر عصر نینگ حاکمی سلطان دوران دیر بیلم
 قنچه کیکسایسه زمان بار گای بیگیت لیک ساریگه
 ینگلی لیک لرتورخیده منگو نمایان دیر بیلم
 گرچه هر بیر دوره ده انسان بیلم محتاجی دیر
 یو کسلیشه هر زمان محتاج انسان دیر بیلم.

1373/03/25

شیرغان

(۱) امیر علی شیر نوایی انستیتوت نینگ آچیلیشی مناسبتی بیلن.

ایستک ^{کتابت} سالم

کونگل بیلمام سفر لردن کیلرمو بیزگه یار قیتیپ
 خزان اورگن گلستانگه کیلرمو نوبهار قیتیپ
 کیچیبان قیغولر شامی سحر لرده مژده بیر ماسمو
 ینه بولماسمو شادلیک لر سرود روزگار قیتیپ
 تینرمو قرغه لر آواسی بستان وچمن لردن
 او قورمونغمه فرحت گلستانده هزار قیتیپ
 کیلرمو نازنین دلبر کولوب اویناب چمن ساری
 معنبر ساچیدن گلشن بولسورمو مشکبار قیتیپ
 مینیب بولپار ناز هریان بیریب جولان سالیب غوغا
 اوترمو دل دیاریدن ینه چابکسوار قیتیپ
 سیتیلدی کوزلریم یولده کورینماس حسنیدن جلوه
 یترمو سونینه آخر بوفصل انتظار قیتیپ
 اوچیب اقبال قوشی باشدن بلالر یاغدی تینماسدن
 کیمه معلوم همای بخت قچان قیلغای گذار قیتیپ.

173/05/20

شیرغان

قوتلوغ بهار

اولکم چیرای آچمیش ینه کیلمیش دیاریمگه بهار
 توت ساقیا نازلی قدح قوشسین بهاریمگه بهار
 بیرنوبهارنی ایزلبان کوردیم بهار لرقنچه سین
 دل پیراغی سولدی ، صبا آیتماسمو یاریمگه بهار
 باغدر بیزانمیش گل بیلن بلبل نوآسی شاد ایمیش
 هر دمده اوتلر سالغوسی یوق ایله باریمگه بهار
 گلشن ارا کیرسام اگراوشبو پریشان حال ایلن
 ساچلرنی یاییب ییغلاگای احوال زاریمگه بهار
 دریا آقر تولقونلانیب کویلر بهار قیرغاغیده
 کوزیاشریم دریا بوگون کویلر کناریمگه بهار
 ای حُسن سیر آوازه لیک هریانه کیلدی تازه لیک
 سین سیز حلاوت بیرماگای جسم نزاریمگه بهار

چنگ تشلادیم دل تارینه یارسیز فغانلر آیلابان
 کویله فغان له گریه دن چنگ ایله تاریمگه بهار
 بستان تماشاقلگالی قویسه قدم بیریرباسیب
 دل دن سلام لر سویله گیل کوزی خماریمگه بهار
 کیسه اگراول نازنین سوراب "عظیمی" حالینی
 مینگه مبارک صورتی ، قوتلوغ نگاریمگه بهار.

1374/02/28

مزارشریف



حُسنِ بی مثال

کیچایدیرمین وصالینگدن کیچالماسمن کیچالماس مین
 چیرایللیک آی جمالینگدن کیچالماسمن کیچالماسمن
 اوزینگ یوقسن کیچه کوندوز خیالینگ مین بیله همدم
 خیالیلمده خیالینگدن کیچالماسمن کیچالماسمن
 سوراریم بار دوداغینگدن ، بوخسته کونگل احوالین
 سُچوک تاتلی زلالینگدن کیچالماسمن کیچالماسمن
 کوکرگن باغ دل ایچره نهال قامت نازینگ
 گوزل قَد نهالینگدن کیچالماسمن کیچالماسمن
 جهانگه بال ساچیلغوسی گپورگنده کلایینگدن
 سینینگ شیرین مقالینگدن کیچالماسمن کیچالماسمن
 تون و کون ایسلابان یادینگ کیچارمین قاره عمریمدن
 لبینگده جوره خالینگدن کیچالماسمن کیچالماسمن
 جهانده یخشیلر کوپدیر نتای کیم دل تمناسی
 که حُسنِ بی مثالینگدن کیچالماسمن کیچالماسمن.

1374/04/20

مزارشریف

حقیقی عشق اس سمنی غزل دور
 وصلیگه یتماک تمناگه تمنا ییغلادی
 کوربان حال پریشانیم نی دنیا ییغلادی
 بول زمان آشنالیگی ای دل نیمه بیرمعامله
 دیمادی بیرکیمسه کیم آشناگه آشناییغلادی
 اون چیکیب فریادقیش لرتونلری تأثیرسیز
 ییغلادی دل ییغلادی کوییده بیجا ییغلادی
 دل اگر کویسه حقیقتدن سوقور کوزیاش تو کر
 قیغوسیز لرنیسلور دل کولدی کیم یا ییغلادی
 تا قدم دنیاگه قویدی خوش نفس تارتالماین
 تک یورک تاپمای بیرهمدم تک و تنهاییغلادی
 عشق حقیقت یولیگه توشسه عبادت بولغوسی
 پرده ایچره لیلی یاش تو کگنده صحرا ییغلادی
 بیلمادیم ایسکی جهان نینگ گردشی نی ذیل ایروور
 هرزمان نادان کولوب دانای دانا ییغلادی.

1374/07/08

مزارشریف

آغولی رزق

بیر یوزینگ بیر اوز گه یارب آسمانینگ اوز گچه
 اوز گریب ایسکی زمان اهل زمانینگ اوز گچه
 یخشی لریخشی دیسام توشسه یمانلردن یراق
 لیک یخشی اوز گه دیر دنیا یمانینگ اوز گچه
 تیش نی بیردینگ رزق بیرله قیغولی آغو قوشیب
 مینگه بیر گن ای فلک بیر بُرده نانینگ اوز گچه
 بیر سیناو دن او تکرای دیب باستیریب بیر گه قدم
 مینگ بلا قوینینده آلگن امتحانینگ اوز گچه
 مهر ایله انسان یراتگن مهربان باقگیل بوگون
 مهرسیز نامهربانینگ ، مهربانینگ اوز گچه
 بی نیازلر بیر تامانده بیر تامان قشاقلر
 آسمانا بیرجهان ایکی تامانینگ اوز گچه
 قیغو لردنیاسیده عمری مراد سیزلیک بیلن
 ای "عظیمی" چیقماگن قتیق بوجانینگ اوز گچه.

1374/07/10

مزارشریف

بغری تاشلی اول سنی شردور

سیوگی نیدور بیلماگای اول بیوفا دلدار گینم
 جورا تر جان و کونگل نی بغری تاشلی یار گینم
 دلنی هریان آلدادیم افتاده توتقون اولماسون
 بولمادی کیتدی ستمگر ساری دل بیمار گینم
 نازنین نازلی سیوریار دلگه آزاری یاقر
 میلی قنچه ایلاسه آزار دل آزار گینم
 سیلکینیب اوتکن محل لریوز ادا و ناز ایله
 بیر باقیشده جان نی آغای کوزلری خمار گینم
 سولدیریب کونگل باغین قیلر گه کیتدی بیلما دیم
 باغ عمریمده بهاریم یوزلری گلزار گینم
 مین که زار زارمین دیداریگه قربان بولای
 یوقلاماس حالینگ نه دیر دیب بنده دن بیزار گینم
 نیچه بیل دیر دل بیابانی کوتر بیر تیپکینی
 جان پای انداز توياغی کیلسه بیر تولپار گینم.

1374/10/02

مزار شریف

چیرایلیک شهری

کوترمین صورتینگ نورین قرایگن روزگاریمگ
 فلک چیک قویمادی هرگز تینیمسیرانتظاریمگ
 آچیلماي سولدی دل باغی آچیلماس یوزبهار کیلسه
 کیلیب بیریول تماشا قیل خزان اورگن بهاریمگ
 یورک هرلحظه تلپینگای سینینگ درد فراق تینگدن
 یترمو بیرزمان راحت بو قلب بیقراریمگ
 حیت لر شادمانلیک دیر عزیزلر یار ایلمن بولسه
 حیتده کوزلریم سین سیز تو کر یاش حال زاریمگ
 قرانغو دل دیاریگه حیت نوری اثر سیز دیر
 قچان آفتاب حسنینگدن توشر یاغدو دیاریمگ
 سنینگ یادینگ مینگه همدم تون و کونلر خیالیمنده
 اوزینگ یوق سن غمینگ هر دم کیلراویناب کناریمگ
 چیرایلیک شهریگه کیلیدیم اوزیم اوز اختیاریمده
 قنی اول اختیار ایندی دیارینگدن کیتاریمگ.

1374/11/16

مزار شریف

بهار کیلیمیش
حواش سرس حواش
بهار کیلیدی یوزینگ آچگچ چمنده

او یال مییش شمع چیرایی انجمنده
بهار آدیملادی یاش آقتی کوزدن
کو کردی غم نهالی باغ تنده
غریب دیرلر کیشی غربتگه توشسه
یورک سین سیز غریب و زار وطنده
ایماس غافل خیالینگدن خیالیم
ایلیق جان تا قیمر لایدی بدنده
دلم توتقون توشوب ایندی چیقارگه
نه سینده اختیارینگ بار نه مینده
چیکر فریاد بهار فصلی تون و کون
دلم مونده قرار سیز دلبر انده
اگر گل هیدی بیرله ظاهر اولسه
تا پالگایسن مینی شوپله سخنده.

1375/01/05

مزار شریف


محبت گنجس

بهارده ایزلارم حسنینگ سحرلردن سحرلرگه
عزیز عمریمنی اوتکردیم باقیبان رهگذرلرگه
کیتیبان گل ینه کیلیدی اوزاقلردن سفر آیلاب
گلم چیک قویمادینگ هرگز سفرلردن سفرلرگه
آشهر لحظه ده مهرینگ کوزیمگه کوزلرینگ توشسه
یقین کیم او یغانر اُفت نظر توشسه نظرلرگه
دوداغینگدن سوراریم بار کیلیب جان و کونگل بیریول
جهانگه بال ساجیب سویله شکر قوشگیل شکرلرگه
یوگوردیم هر تامان سین دیب وفالرگه جفا قیلدینگ
ترحم قیلمادینگ بیریول منینگ دک در بدرلرگه

بهاریم اوتدی و کیتدی اوت آلدی گلشن جانیم
 تماشاگه قدم قویگیل توتاشگن اوت شرار لرگه
 گوزل یاریلمادینگ قدریم یولینگده خاکسار اولدیم
 حقارت کوز ایله باقدینگ کوزیم توککن گهر لرگه
 عظیمی بینوادیرسین نه حاجت دولت دنیا
 یورک گنج محبت دیرسلامیم سیم وزر لرگه.

1375/01/12

مزار شریف



گل وصلی

گل وصلی تمنا قیله جان بوغزیمه یتدی
 مینگ بار اجل باشیم اوزه کیلدی و کیتدی
 بیچاره کونگل عمری بویی بولمادی خرسند
 تقدیر ایننگ قسمتی نی قیغولی یتدی
 گلشن ساریگه کوردیم انی اوتدی سحرده
 مینگه نظری توشتی زمان قاشینی چیتی
 دل حالی نی بیلمام که نه دیر حسنیند اورو
 مرجان کبی کوزدن توشیبان قی لره ایتی
 غم نشتری هجران تونیده ایلادی بیداد
 بغریمنی تیلیب پاره قیلیب کونگلیمنی سیتی
 اوزگه ایپی نی اوزدی اگری گله اندن
 یاردن گله دیر بولسه گله یارنی اونتی
 میندن سورامانگ بویله ندیر حال خرابینگ
 اوندن سورانگیز وعده بیریب آخری نیتی؟

1375/01/30

مزار شریف

صحنه
 ایزر کونوز غزدر

اوگسوس نوآسی


اسلام

جیحون کبی کوزیاشلریم توفان دوراندن نشان
 بوران گردون ایچره مین سینگن قایق یوق بادبان
 یوقتورقولیمده اختیار امواج دریای خیال
 منزل به منزل آشیرور- گه بول تمان گه اول تمان
 تولقون یتکلار هرزمان قیرغاق مه قیرغاق تولقونوب
 قیده تورار معلوم ایماس قسمت گه تاپشیردیم عنان
 ایکی تامان چارلرمینی دل اورته ده حیرانه دیر
 اول یان اوزیم بول یان اوزیم مین نیلین ای آسمان
 بیرکون سونوب بخت یولدوزی تقدیرمیزبولدی جدا
 اول یانده قان بولدی یورک بول یان کونگل چیکتی فغان

جور زمانه ایریته قیلدی جفا اوزره جفا
 تن خسته بیماری بویان جان زار اولوب قالدی اویان
 اوگسوس نوآ ایلار نوآ هر تولقون وهر موجیده
 قیته ینه بیربولگالی باشینگ کوترایندی اویان
 بیرچشمه دن سیراب اولوس بیر اوزره بیر آسمانگیز
 بیرتن بولینگیز دهر آرا قامت حکیب "تورانیان".

1375/07/04

مزارشریف



گدا دل

خزان اور گن گلستانیم تماشاینگه ارزیرمو
 بو کیلگن سروستانیم تماشاینگه ارزیرمو
 غمینگدن ماه تابانیم دوداغده آه و افغانیم
 الم دن چیقماگن جانیم تماشاینگه ارزیرمو
 کونگل ایسکی خریدارینگ بوگون افسرده بیمارینگ
 کیل ای جان همده جانانیم تماشاینگه ارزیرمو
 تن اورمانیگه اوت توشگن اورالگن باش اداق کویگن
 توتوندن تولگن آسمانیم تماشاینگه ارزیرمو
 قرانغو غملی تونلاریم پریشان حالت زاریم
 منینگ ای زهره کیوانم تماشاینگه ارزیرمو
 عزیزیم فرقتینگ ایچره کونگلنی بوزدی سیل غم
 ییقیلگن کُشک وایوانیم تماشاینگه ارزیرمو
 گدا رسوالیگی دلنی کوینگده زارلیگی دلنی
 گوزل لیک مُلکی سلطانیم تماشاینگه ارزیرمو.

1375/07/20

مزار شریف

تارگه تاردنیا

آدمی اولدیر که دلده قیغو چیکسه آدمه
 اوزینه یلغوز ایماس خیرلی بولسه عالمه
 گریور کده بولسه دردینگ درد بارگه سویله گیل
 دیمه گیل غم قیغودن هرگز جهانده بیغمه
 بیکس و بیچاره نی هر دم سیلاب اوت باشی نی
 رحم قیل کوزلاری یاشدن توله رخساری نمه
 طاعتی یوقتور بلندراک بیر یورک نینگ طوفیدن
 قوزغامه ویران کونگل ویرانه بولگن بوغزیمه
 اوشله گیل بیر ناتوان نینگ ایلگیدن توشگن محل
 همدم اولگیل صدق ایله بیر کس و بی همدمه
 توتماگیل کونگلینگنی تار عالم اوزینگه تارا اولور
 "کینگ یورککه کینگ جهاندیر تارگه تار بیلمام دیمه"
 یخشی لیک قیل یخشیلک کیلسه بیر اودن گریمان
 دنیا نینگ یخشی یامانی کیچملی دیر غم بیمه.

1375/07/20

مزار شریف

قیغو بورانی

چیقمادی راحت قویاشی بختیم آسمانینگ اوزه
 کوک تیگرمان تاشی توشتی ققشه گن جانینگ اوزه
 سیوگیلی یاریم کیلردیب یول لریگه تیرمولیب
 کوزلریم بیهوده قویدینگ خس نی مژگانینگ اوزه
 تلینینب یوزپاره بولگن دل دعایدیر مدام
 قونماسون گرد خزان هرگز گلستانینگ اوزه
 بارلیگینگده خاطر ویران نی آباد ایلاگیل
 بیر کونی بای اوغلی لر قونماسدن ایوانینگ اوزه
 قیستی آسمان ییر ساری هریانده بوران بلا
 ای خدا! نی قیغولر قویدیردینگ انسانینگ اوزه
 باشیمه ساچدینگ فلک هر چند فقیرلیکدن توپور
 همتیم یوکسک لیگین باق زهره کیوانینگ اوزه.

1375/10/18

مزار شریف

اوتلی یاغدولر

نه لاله چیقدی نی میسه نه گل سوسن بهاریمده
 چیقر اوت تولقونوب هریان چمن گلخن بهاریمده
 جدالیکنده کویوب جانیم توتاشگن تن گلستانی
 کو کرماس گل - چیچک هرگزخان اورگن بهاریمده
 کورینگ ویرانه لرهریان توتون آسمانگه قاپلنگن
 مثال دوزخ اولمیشدیر کویوب گلشن بهاریمده
 قویون توپراق ساوردی ، یکه لیک دشتینده باش اوزره
 کوروب احوال زاریمنی سینی سویگن بهاریمده
 اونر بیردن الاو قت - قت ساچر کوکدن بولوتلر اوت
 بولوبتور ییر بیلن آسمان مینگه دشمن بهاریمده
 قراتونلرده یولدوزلر فلکدن مین ساری هر دم
 ساچادیر اوتلی یاغدولر یتک بیرلن بهاریمده
 چیکر مین روز گاریمدن ستملر تون کونی ییغلاب
 الهی کولماسون هر گزمینگه کولگن بهاریمده.

1375/11/29

مزار شریف

مژگان نمی

کیچملی دنیا ایکن باقدیم ایننگ دورانیگه
 گوهر شادلیک تایلماس غم توله دامانیگه
 بویامیش تورلی بویاقلرده جهان گلزارینی
 قسمت ایتمیش گرد غمدن صورت انسانیکه
 ایلامیش بیرنیچه نی اوستون نیچه آستین لره
 بیرگه امکان بیرمامیش قایل بیرین امکانیکه
 اورگیلای مین قدرتیدن آغولی رزقین کورینگ
 خوان غم اوزره یاییب بیرلحظه لی مهمانیگه
 بیرسیویملی مهرلی دیرلیک وفاسی یوق ایننگ
 بیرکونی سیندیرغوسی دل بیرمانگیز پیمانیکه
 ایلگیدن اوشلانگ بیراونی قدرتینگیز باریده

سیزدن آزار یتماسون افتاده انسان جانیگه
 یخشی اویلاولی کیشیلریخشی یولدن آزماگای
 چرخش دوران ایله یتماس خلل ایمانیگه
 ایکی دنیاخشی لیک تینگری نصیب ایتگای انگه
 ایل اولوس قیغوسی بیرله یتسه تم مژگانیکه.

1376/06/26

مزار شریف



دیدار گلی


هنر سینی شزدوز

جهان سین سیز کونگلگه تار کیلگای
 حیاتدن سربه سر آزار کیلگای
 اوزینگ بیرباره یوقلاب کیلما گایسن
 قراتونلرغمینگ مینگ بار کیلگای
 غمینگ نی اسرارم کونگل او بیده
 عزیز ی کیم مینگه در کار کیلگای
 اوچیب کونگل قوشی ایستاب وصالینگ
 کیتیب ساغلام ینه بیمار کیلگای
 جهانده کم سیتراهل زمانه
 متاعی کیم سربازار کیلگای
 یوگورگن حسرت کولگوده ییل لر
 دلم قیغو ییمه غمخوار کیلگای

قوروب کوزیاشی نینگ بیرگون بولاغی
 که کولگودن توله رخسار کیلگای
 کیچیب باشند ساوق قیغولی ایام
 زمان گل بیلن گلزار کیلگای
 کیلرایرته بهار ایسیب صبا لر
 صبا لردن گل هیدی دیدار کیلگای.

1376/10/14

شیرغان



گل پیشوازیگه

سبحر تانگه / شمالیدن / نسیم یار کیلمیشثور
 بهار اولدی چمن ساری مگر دلدار کیلمیشثور
 زمین گل آسمان گل دیریاغر گل هرتمان باقسنگ
 که گل پیشوازیگه بولگون کورینگ گلزا کیلمیشثور
 گلستان رسته بازاری عجب غوغا بیلن تولمیش
 مگر گل حسن بی پرده سربازار کیلمیشثور
 ایشیکدن کیتما دیم بیردم بولیب خاک قدمگاهی
 یولینده خاکسارلیک لربوگون درکار کیلمیشثور
 کیلمیش مو سیور یاریم بوخسته ساری بیرباره
 که آبرو توشدو گم پیله اجل مینگ بار کیلمیشثور
 کوتر ای قیغولی کونگلیم باشینگنی غم قوچاغیدن
 ترانه باشلادی بلبل یقین دیدار کیلمیشثور
 زمانه شادمان اولمیش زمان شاد دیر نثارمن دل
 که داغستان کوکسیمده نوای زار کیلمیشثور.

1376/12/14

شیرغان

اولوغ شاعر و متفکر علی شیر نوایی ۵۴۰ - بیللیگی مناسبتی بیلن.

اولوغ بابام نوایی

صراج سرری / صاعده / سیزگه حرمت
 اولوغ بابام نوایی سیزگه حرمت
 غروریم سیزمینگه شأن بیرله شوکت
 اونیتمای میز جهان باریچه بیردم
 تیریک سیز بول جهان بار و بو عالم
 سخن مُلکیده استاد سخن سیز
 ادب دنیا سیده خوشبو چمن سیز
 ادب آسمانیده شمس و قمر دیک
 سخن فرزندی بیز ، بیزگه پدر دیک
 ایا عادل سخن مُلکیده ممتاز
 قیلچ بیرلن قلم قیل گی سیزه ناز
 وزیر عالم و باحلم و تدبیر
 سرشتیزده عدالت ایردی تخمیر
 سیزی فرزند دیگن جامی بیلیمان
 که سیز بیرلن بولر نامی درخشان

يقين بيلدى بوكون اهل زمانه
سخن كائیده گوهرسيز يگانه
اولوغ ايشلر بيلن سيزاي اولوغوار
بوليب سيزحرمت خلققه سزاوار
همه حكمتلى بي امثال سوزينگگيز
كه خلق ايچره ايرور مقال سوزينگگيز
نوانگگيزدين چيقن دوستليك نوالر
هنوز توتقين بيرردوستليك هوالر
اولوس دردى بيلن غمگين بوليب كيم
اولوغ حكمتلى سوز سيزدين بوليب كيم:
"غم خلق دين انگه يوقتوراگرغم
آدم بولسنگ ديما آنى سين آدم"
سخن ايچره جهانگير سخن سيز
يقين مونس گه هم پير سخن سيز
تاپيب آگهي نينگ سوزى نوالر
نوانگگيز درديگه بولگن دوالر

ايتيب خمسه بيلن جامى صفاتين
يازيب سيز شاعر نامى صفاتين
بوكون قايل همه اهل بصر دور
كه چارديوان بوتون گنج گهر دور
نه ديسام حيرت الابرار وصفين
تو كنمس ايلسام اظهار وصفين
مجالس النفايس پُر بها دور
نوأيى دانشيگه بول گوا دور
نوأيى خلق ايدى آيننگ نواسى
كه محبوب القلوب بولدى نواسى
فنا بولمس فنا فانى جهان دين
خطر تاپمس بو آسيب زمان دين
بيزه اندين قالن ميراث نشانه
همه اينچور ايرور دُر بيرله دانه
ايننگ نامى ايرور جاويد قايم
كه خدمت خلق اوچون قيلگن دايم



محمد عظیم اوغلی الحاج اشرف - عظیمی
1319 هجری شمسی - 1940 میلادی میل که مطابق
اندخوی اول سوال لکلی که قرشلی تو اچی کلان قیشلا عیده
بیر ضیالی حایله ده دنیا که لکلن.
کابل - سلیم یورتی یانین فاکولتته سی ریاضی
دفترنیک بو میدن لسان قول که کیرستن - عمری
نیک کو پرائینی او قوتو چیلک بیلن او لکرن و ثوابیر
لرده جوزجان - سلیم پورتیده استاد مستفیده خدمت قیلا تده.
اولوغ فخر، کله جک باتور لری (بالا لرا او چون)
دیش تولتونی باسیب چیقن ازلرده، سوکی باسیب
چقماکن ائیدور.